



格致鏡原

卷八十七八九九十

卷八十七

犬 猫 猿 猴

卷八十八

狐 狸 兔 獾 鼠

卷八十九

諸 獸 異 獸

卷九十

水 族 龍 蛟

第四帙

13  
2226  
27

五



門1 3  
號 2226  
卷 27

格致鏡原卷八十七



犬

論

畫狗也狗叩也叩氣吠以守也 孔子曰視犬之字如

所生七九六十三陽氣通故狗三月而生高三尺 自

六帖犬者金精 易艮為狗 晉書狗三星在南斗魁

前主吠守 埤雅子曰狗性險而出 談苑偷能禁

犬使不吠唯牝犬不可禁也或云紋如虎斑亦難禁

好事集以胡麻楚啖犬則光黑而駿獵必犬獲狐兔又

可十歲 陰陽自然變化論狗不見雪 埤雅犬喜雪

格致鏡原卷八十七 獸類 犬

< 41-10311 >

諺云雪落狗喜西陽雜俎豺遇狗輒跪如拜狀狗爲  
豺舅也抱朴子山中戌日稱人姓字者犬也癸辛  
雜志虎食犬則醉犬虎之酒也雷青日札狗食木驚  
而死禮記凡祭宗廟之禮犬曰羹獻尹文子康衢  
長者字犬曰善噉清異錄武宗十玩圖謂犬爲竊門  
使古今注狗一名黃羊紺珠狗一名義畜一名家  
獸尸子齊有貧者命其狗爲富劉攽詩話今人呼  
禿尾狗爲厥尾衣之短後者亦曰厥五行書白犬虎  
文南斗君畜可致萬石也黑犬白耳人犬王犬也畜之  
令人富貴白犬黃頭家大吉黃犬白尾代有官黑犬前  
兩足白者宜子孫黃犬白前兩足者利人犬生四子取

黃子養之犬生五子取青子養之六子取赤子養之七  
子取黑子養之八子取白子養之白犬烏頭令人得財  
白犬黑尾令人世世乘車白澤圖黑狗白頭耳長尾  
卷龍也廣異魏元忠嘗呼蒼頭未應犬輒代呼之元  
忠曰此孝順狗也乃能代我勞後亦無恙彙苑信信  
犬開口爭吠之聲楚辭猛犬狺狺而迎吠羣碎錄左  
傳國狗之瘕無不噬也杜預注云瘕狂犬也今云衛大  
宋書云張收爲剛犬所傷食蝦蟇瘡而愈五雜俎瘕  
狗齧人令人腹中長狗雛而死急以藥治之狗從小便  
中出卽有齧衣服者亟捲衣置圍上經數宿必有狗雛  
無數死其中又有一種狗不飲不食常望月而嗥者非

瘕也乃肚中有狗寶也寶如石大者如鷲卵小如雞子  
 專治噎食之疾 雷青日札凡狗有寶則羸瘦毛落不  
 勝其熱入水自濡其塊如栗同胞破之可于葉入藥治  
 毒瘡 七修類藁狗寶生於狗胞中其形質如鷲卵石  
 而色至白碎之內有文理數十層 石藥爾雅白狗膽  
 一名瓠汁一名陰龍瓠汁白狗耳上血名曰龍柴  
 三才圖會犬有三種一名田犬二曰吠犬三曰  
 食犬食犬猶今之菜牛也 爾雅犬生三獲二獅一獬  
 豸成毫狗 爾雅狗四尺為絜 尸子五尺犬為豫  
 爾雅疏犬子未生乾毛者名狗長口者名獠短口者名  
 狗獠壯大絕有力者名狽 說文獠黑犬黃頭也厖犬

多毛也獠犬吠不止也絜犬細犬可更也健犬  
 狄赤犬也狻少犬也匈奴地有狻犬巨口黑身獲獲  
 南越名犬也 周官士射豺侯注豺胡犬也似狐而小  
 黑喙善守 呂忱字林獠韓良犬也 狻良犬也 狻逐  
 虎犬也 何承天纂文守犬為獠 隴西以犬為獠 獠  
 昔多毛犬也 狻獠也 狻尾尾犬也 格物總論狗家  
 以吠守種類不一 狻短脰者黃色犬狂黃身黑頭  
 獠猛犬獠狂犬狻犬能逐虎獠惡健犬 庶物異名  
 疏鬣犬類通典大獠國有鬣出西海有養者似狗多有  
 獠惡 瑞應圖匈奴獻狗犬雖口赤身四足 通典唐  
 武德中高昌王文泰獻狗雌雄各一高六寸長尺餘性

甚慧能曳馬銜燭云本出拂菻國中國有拂菻狗自此始  
舊唐書波斯國多白馬駁犬或赤日行七百里者  
駁犬今所謂波斯犬也貞睿奴傳一品名有猛犬守  
歌妓院門非常人不得輒入入必噬殺之其警如神其  
猛如虎即曹州孟海之犬也古今詩話淳化中合州  
貢羅江犬甚小而性慧常馴擾於御榻之側每坐朝犬  
必掉尾先吠人乃肅然東軒筆錄慶曆中衛士有變  
震驚宮掖臺官宋禧趾言每有羅江狗赤而尾小其警  
如神願養此狗於掖庭以警倉卒事物紀原鬱林犬  
出鬱林極高大垂耳拳毛庶物異名疏那害虜中  
名犬也見岷峨山人譯語一日詭言見狗曰厄詭言

母狗曰厄滅謂害見重譯事物紀原矮脚狗有純黑  
黃紫三色大如猫或長四五寸可藏馬銜云馬銜狗  
海語海狗形如狗大如猫純黃色嘗海遊背風沙中遙  
見船行則投海漁人以技獲之蓋利其腎也醫工以為  
即膾膈臍云庶物異名疏本草臘腸一名骨膈獸似  
犬長尾皮上有白黃毛三莖共一穴生西戎或曰  
魚類豕首兩足其臍紅紫色陳藏器云骨膈胡人  
為絲勃他其臍似麝香黃赤色臨海志臘腸若  
頭似狗長尾遇日出則浮在水面藥性論謂之海狗爾  
雅蟹仰鼻而豎尾似狐而大尾長皮白毛黃三莖  
謂之海狗孝一名臘腸諸說稍異錄以金夜

古冀越集木狗出廣東左右江中形似黑狗能登山  
為衣禱能運動脚氣元世祖足疾取其皮為禱人遂  
重之

**古谷犬**

汲冢書湯四方獻令伊尹請正南以矩狗為

獻孔氏注矩狗狗之善者周書西旅獻獒周書王

會成王時梁搜國獻鬪一作大鬪犬者露犬也能飛食

虎豹穆天子傳狗名重一作徹止一作靈獾來白龍狗天子

東征一作行流沙天子之象牛象馬龍狗象羊注龍狗其

鬪猛狗或曰龍亦狗名廣雅一作殷末一作蔡楚獾一作鹿球

已一作義訓良犬一作有盧宋有一作盧黑一作色一作黧一作白

已說苑荆王得茹黃之狗一作死路之一作贈以一作駁雲夢西

京雜記楊萬年有獵狗名青骸直百金又茂陵少年李

亭好馳逐鷹犬皆有佳名狗則有修毫一作蹇一作白望青曹

之號周處風土記犬則有青鸚白雀飛龍虎子獨一作獨

五魚狼牙鋸齒馴良捷警難狎易使御覽陶弘景云

裴真君好養白犬名曰白靈學道之士或居山林此可

以辟邪搜神記孫權時李信純襄陽紀南人也家養

一犬字曰黑龍述異記陸機有犬曰黃耳機至洛中

久無家問因以筒盛書繫犬頸犬出尋路南走達家答

馳還後犬死葬機村南村人呼黃耳家馬元城集華

亭黃耳寺以犬得名相獸經犬白身而黃耳者能知入

家吉凶事是犬為陸機傳信三千里亦異犬也幽明

錄晉泰興二年吳人華隆好弋獵畜一犬號曰的尾每將自隨隆後至江邊被一大蛇圍身犬遂咋蛇死焉  
廣古今五行記晉嘉興張林有狗名阿承事物紺珠  
飛燕張平子犬南史張彪敗其將沈泰申進皆叛彪唯常所養一犬名黃蒼在彪前後未曾捨離三國典  
略齊高緯以波斯狗為赤虎儀同進遙郡看飼以梁肉食縣邑常於馬上設蹤帶以抱之北史齊後主時犬為開府儀同唯者有夫人郡國之號南部新書鄆陽人張朝為猛獸所搏噬其家犬名小狸救之獲免  
韓元吉桐陰舊話韋善後唐武后朝京兆人長齋奉道法嘗攜黑犬名烏龍世俗謂為藥王云續仙傳韋善

俊犬號烏龍後化為龍乘之飛昇而去搜神記會稽勾章氏張然養一狗甚快名烏龍詞林海錯杜光庭有犬名吠雲可行萬里博異記南陽張遵言塗次商山山館中夜晦黑東墻下一物疑白羅人視之乃一白犬大如貓鬚睫爪牙皆如玉色毛彩清潤悅澤可愛遵言愛之日為捷飛清異錄東陽廖習之家有一黃犬識人喜怒顧指可使名曰黃奴習之常作歌云吾家黃奴類黃耳三水小牘僖宗朝宰相王鐸所愛卑脚犬曰花鴨有刺客匿於梁上為犬所覺而免捧硯者裴至德家僮也生一歲時有卑脚犬曰青花忽來齧兒陰食之至德有良藥封之愈暇曝談餘趙澤民為山西廉

格致鏡原卷八十七 獸類 古名人

使時畜一犬名桃花善獵有客至即呼名嗾之語家人  
先具酒果良久桃花必致一物如麀鹿雉兔之類無虛  
往 [洎宅編] 虞經臣策元祐時為給事中初入臺值都  
城開渠忽有黑犬自渠中出直入其家家人輩愛之名  
曰渠來但無事惟喜睡至或亂遽簾幃窗牖之類則經  
臣必有遷改錫賚之慶 [合璧事類] 蘇子瞻來修耳得  
吠狗名烏喙甚猛而馴過合浦蓮泗而濟路人皆驚  
異六 [山海經] 天門山有赤犬曰天犬見則有兵乃天  
狗星光飛流注而生行如風聲如雷光如電 [山海經]  
陰山有獸其狀如狸白首素牙名曰天狗 [稽記室] 至  
治元年玉案山產小赤犬占曰天狗墮地為赤犬其下

有大軍覆境 [尸子] 地中有犬名曰地狼 [夏鼎志] 地  
地得犬名曰賈 [搜神記] 晉元康中吳郡婁縣懷瑤家  
忽聞地中有犬子聲掘視之得犬子雌雄各一皆猶未  
開形大於常犬也哺之而食左右咸往觀焉長老或曰  
此名犀犬得之者令家富昌 [晉五行志] 大興四年廬  
江潯縣何旭家忽聞地中有犬子聲掘之得一母犬青  
釐色狀甚羸瘦走入草中不知所在視其處有二犬一  
雄一雌哺而養之雌死雄活及長為犬善噬野獸 [三  
水小廣] 汝南臨汝縣南十八里廣城陂之西有小山崆  
峒其顛洞穴如盜將有大風雨則白犬自穴出田夫以  
為侯 [東園客談] 唐伯剛云北方凡阜雕作巢所在官

格致鏡原卷六 獸類 異犬



司必令人窮巢探卵多寡若三枚必設置以守之及其  
出一乃狗也取而飼養之長則獻於朝廷與常狗無異  
但耳上多羽毛耳田獵之際鵬則止飛狗則陸行所逐  
同至名曰鷹背狗西使記阜鵬一產三卵內一卵生  
犬灰色而毛短隨母影而走所逐禽無不獲者雷民  
傳嘗有雷民畜吠犬其耳十二每將獵必管犬以耳動  
為獲數山海經蚺犬如犬青色食人從首始

**犬異**

風俗通高辛氏有老婦居王宮得耳疾挑之乃  
得物大如鹵婦人盛瓠中覆之以盤俄頃化為犬其文  
五色因名盤瓠玄中記昔高辛氏犬戎為亂帝口有  
討之者妻以美女封三百戶帝之狗名盤瓠亡三月而

殺犬戎以其首來帝以女妻之於會稽東南得海中土  
三百里而封之生男為狗生女為美人封為狗氏五  
代史北狗國人身狗首長毛不衣手搏猛獸語為犬啾  
其妻皆人能漢語生男為狗生女為人自相婚嫁久居  
食生而妻女人食熟嘗有中國人至其國其妻憐之使  
逃歸與其筋十餘隻教其每走十餘里遺一筋狗失追  
之見其家物必啣歸則不能追矣博物志徐君宮人  
娠而產卵以為不祥棄於水邊孤獨老母有犬名鵠翁  
獵於水濱得所棄卵銜以來歸母以為異覆煖之遂成  
小兒長而仁智襲君徐國後鵠翁臨死生角而九尾實  
黃龍也偃王葬之徐梁界內山堂肆考朱孺子汲於

溪上見二花犬相趨因逐之入於枸祀叢下掘之根形如二犬烹而食之忽覺身輕飛於峰上雲氣擁之而去  
[搜神記]文帝後元五年六月齊雍城門外有狗生角  
京房易傳口執政失下將害之厥妖狗生角  
[漢五行志]成帝河平元年長安人石良見物如人狀在其室中擊之為狗走去後有數人被甲持兵弩至良格擊或死或傷皆為狗  
[晉書]公孫文懿家有犬冠幘絳衣上屋此犬禍也  
[郭頌世語]武帝時幽州有狗鼻行地三百餘步  
[郡國志]宋武帝伐南燕至吠狗山夜聞狗吠明日視之見石狗  
[述異記]朱休之家犬歌曰言我不能歌聽我歌梅花今年故復可明年當奈何家殺犬明年

全死 [北史]周保定間有犬生子腰以後分為二身兩尾六足

豕

[易]坎為豕 [春秋說題辭]斗星時散精為豕

淮南子六九五十四四主時時主豕故豕四月而生

朝野僉載豕之性能水故牧豕之所在必水草之交此

所以潞从豬蓋豬所食息也 [埤雅]豕喜雨故天將

雨則豕進涉水波 [本草]豬性卑而率 [願生論]豬無

筋 [羣碎錄]桐花飼豬肥大三倍 [本草會編]凡豬骨

細少筋多膏大者有重百餘斤食物至寡故人畜養之

其易生息 [周禮]辨腥臊膻香之不可食者豕盲眦而

交曉腥符子朔人獻燕昭王以大豕口養奚若使曰  
非大圃不居非人便不珍今年百三十矣人謂豕仙  
正字通映中家多事鬼養一猪非祭鬼不用故於猪羣  
中呼鬼猪以別之後山談叢御廚不登醜肉太祖嘗  
留兩豕謂之神猪熙寧初罷之後有妖人登大慶殿據  
鴨尾旣獲索血不得始悟祖意使復蓄之蓋醜血解  
術云史記曹長孺以相豕立名孔六帖扶南人喜  
鬪猪河東備錄申王謂猪既供養不宜處於穢弊乃  
以醜龕粟粥待之取其毛制淨令巧工織于葵席光而  
且滑魏志挹婁在扶餘東地寒甚穴居九梯俗好養  
猪食其肉衣其皮以猪脂塗身厚數分以禦冬夏則裸

豕而也

養生要集白豕白蹄青瓜不可食

別名

曲禮豕曰剛鬣註豕肥則鬣剛曲禮豚曰臠

肥註臠者充滿貌魏都賦注大猪曰封豨古今注

猪一名長豕將軍一名參軍承平舊纂桂林風俗曰

食蛙曰豈不勝於黑面郎哉黑面郎謂猪也一名魯津

伯朝野僉載拱州有人畜猪以致富因號猪爲烏金

抱朴子山中亥山稱人君者猪也袁淑非諧集使

使者豪穉命大蘭王清異錄僞唐陳喬食蒸脆曰此

糟糠氏面目殊垂而風味不淺也夏鼎志掘地而得

豚各口邪

詳類

爾雅疏猪今亦曰豕江東呼豨皆通名也說文

各文竟更合之獸類家



之於叢鬱處含枯柴作窠藉以草茅 [正字通]野豕狀如豬通志名山豬郭璞云吳楚呼為鸞豬俗呼為獬豬 [朝野僉載]野豬中藥箭脛薺茺而食 [山海經]豪豬狀如豚面白毛毛大如筭而黑端郭璞注夾脾有麤毫長數尺能以頸上毫射物也 [山海經圖]剛鬣之族號曰豪豨毛如攢錐中有激矢 [長楊賦]托豪豬師古注豪豬名豨獬也自為牝牡者也獬音桓 [事物紺珠]毫豨厥體兼資自為牝牡而生子夾髀粗毫本白端黑長七八寸怒則激去射物恃此為能以出類奇之故曰豪豨 [倦遊雜錄]泡魚大者如斗身有刺化為豪豬 [五雜俎]豪豬似野豕而大能與虎鬪其毛如矢人取以

為簪云令髮不垢 [本草]豪豬名豨豬 [虞衡志]嶺南一種懶婦豬似山豬而小嘗啜田禾惟以機軸紡織之具置田所則不復近 [南越志]昔有懶婦睡機上姑怒之遂走投水化為此獸一枚可得脂三四斛燃之照紡績則暗照歌舞則明習懶之性不革也今安平七源等州峒俱有之 [唐書]北狄傳渤海俗所貴者曰獬豨之豕 [說文]豨音豨修毫獸集嶺作豨河內豕 [山海經]貓豨大者肉重千斤 [丹鉛錄]毛犀即豕也狀如犀角小善知吉凶古人謂之貓豨廣人謂之豬神 [湧幢小品]豕豨類也張腹而臧畢露者也 [水經]蜻蛉縣有石豬圻長谷中有石豬子母數

各文竟景卷之三歌類 豕異

千頭長老傳言夷昔牧此一朝化為石迄今夷人不敢  
往牧 **搜神記**永嘉中壽春城內有豕生人兩頭而不  
活 **紀聞**唐開元十八年京中菩提寺有長生豬體柔  
肥碩在寺十餘年其歲豬死僧焚之火既燼灰中得舍  
利百餘粒 **五行志**元和八年長安西市有豕生子三  
耳八足 **唐書**咸通七年徐州蕭縣民家豕出鬪舞  
**搜神記**晉有一士人姓王在吳郡還至曲阿日暮引船  
上當大埭見埭上有一女子年十七八便呼之雷宿至  
曉解金鈴繫其臂使人隨至家都無女人因道豬闌中  
見母豬臂存金鈴 **幽怪錄**郭元振自晉之汾夜行入  
一宅遇烏將軍取佩刀斫其腕而斷之將軍失聲而走

天明視其手乃豬蹄也尋血而行入大冢中見大豬齧  
前蹄走出而斃

貓

**禮郊特牲**逸貓為其食田鼠也 **玉屑**中國無  
貓種出於西方天竺國不受中國之氣貓死不埋在土  
挂於樹上 **埤雅**貓旦暮目睛皆圓及午即從斂如線  
其鼻端常冷唯夏至一日暖蓋貓陰類也故其應陰氣  
如此世云薄荷醉貓死貓引竹 **事物原始**貓眼旦暮  
睛圓子午一線卯酉正圓辰戌丑未棗核尖寅申巳亥  
銀杏樣 **山堂肆考**貓口中三坎捉一季五坎捉二季  
七坎捉三季九坎捉四季言口內有九坎者能四季捉

鼠也。[卑雅]貓亦如虎畫地卜食今俗謂之卜鼠。[雷]青日札貓食黃魚而癩。[日抄]貓見寅人而食子。[爾雅]翼貓耳經捕鼠之後則有缺如鋸猶虎食人而鋸耳也。[西陽雜俎]貓毛不容蚤蝨黑者暗中逆循其毛即如火星俗云貓洗面過耳則客至。[鳥獸續考]北人嘗云貓不過楊子江言貓過金山則不復捕鼠厥者至金山剪一紙貓投水中則不忌。[南部通書]連山張大夫搏好養貓衆色備有皆自製佳名每視事退至中門數十頭曳尾延頸盤接入以綠紗爲幃聚其內以爲戲或謂搏是貓精。[北史]獨孤陀性好左道其外祖母高氏先事貓鬼已殺其舅郭沙羅因轉入其家每以子日夜

犯之言子者鼠也其貓鬼每殺人者所死家財物潛移於畜貓鬼家

**名類** [西陽雜俎]楚州謝陽出貓有褐花者靈武有紅叱撥及青驄色者貓一名蒙貴一名烏圓。[爾雅]注蒙頰即蒙貴捕鼠勝貓。[廣東通志]獐獮有黑白黃狸狀類貓而大亦高足而結尾捕鼠捷於貓也諸國皆產惟暹羅者良舳估挾至常貓見而避之豪家每十金易一云。[西使記]香貓似土豹糞溺皆香如麝。[庶物異名疏]銜蟬貓名見拾遺記山谷詩買魚穿柳聘銜蟬。[清異錄]武宗十玩圖謂貓曰鼠將。[唐餘錄]建州刺史家月夜有七八白衣相語曰白老將至奈何白衣者鼠白。

老者貓也。山川紀異：河南永寧天壇山中岩有仙貓洞，世傳燕真人丹成，雞犬俱昇，仙貓獨不去，人嘗見之。就洞呼仙，哥則聞有應者。採蘭雜志：貓一名女奴。託事珠：張搏好貓，其一日東守，二曰白鳳，三曰紫英，四曰恠憤，五曰錦帶，六曰雲圖，七曰萬貫，皆價值數金。清異錄：余在輦轂至大街，見揭小榜曰：虞大博宅失去貓兒，色白，小名白雪姑。

**貓異** 西陽雜俎：平陵城古譚國也，城中有一貓常帶金鍊，有錢飛若蛺蝶，土人往往見之。稽神錄：王建稱尊於蜀，其嬖臣唐道襲為樞密使，夏日在家會大雨，其所畜貓戲水於簷溜下，道襲視之稍稍而長，俄而前足

及簷，忽爾雷電大至，化為龍而去。東陽夜怪錄：成自虛雪夜於東陽驛寺中遇苗介立，吟詩曰：為慙食肉主，恩深日晏蟠蛇臥，錦衾次日視之，乃一大駭貓兒也。七修類藁：杭州城東真如寺弘治間有僧曰景福，畜一貓，日久馴熟，每出誦經，則以鎖匙付之，於貓及回時，擊門呼其貓，貓乃銜匙出，洞交主也。或他人擊門無聲，或聲非其僧，永不應之。後山談叢：廬州有坐化貓。五雜俎：天順間西域有貢貓者，盛以金籠，頓館驛中，嘗結壇於城中高處，置貓其中，翌日視之，鼠以萬計，皆狀死。壇下曰：此貓一作威，則十里內鼠盡死，蓋貓王也。

猿 附 猴 果然 獨



說文猿屬或黃或黑 春秋繁露猿似猴大黑色長前臂 淮南子五九四十五主音音主猿猿故五月而生 周索氏孝子傳猿通脾輕巢善緣能於空輪轉 格物總論猿不踐土石趨遙於萬木之間惟通臂輕身故善緣能引氣故得壽天氣澄霽則長嘯霧雨昏暗則無聲人每當其吟雌之時而捕獲之則亦不復生矣 珍珠船猿能嘯雌不能也猿性不耐著地著地輒瀉以死 埤雅猿性靜夜嘯常風月肅然 宜都山川記峽中猿鳴至清山谷傳其響泠泠不絕行者歌之曰 巴東三峽猿鳴悲猿鳴三聲淚沾衣 郭仲產荊州記巴東三峽猿長鳴至三聲聞者莫不垂淚 謝靈運遊

名山記觀挂猿下飲百臂相連 天寶遺事商山隱士高太素所居曰清心亭每一時至則有猿啼於庭下謂之報時猿 抱朴子猿壽五百歲則變為鸞千歲則變為老人 元康地記猿與獼猴不共山宿臨且相呼 埤雅舊說猿鳴而獼候之故東晉發蒙記曰獼以猿為婦也 白六帖蜀鄧艾見玄猿抱子在樹上引弩射之中猿母其子為拔箭捲樹葉塞瘡 梁四公記東南絕徼之外有女國以猿為夫生男類父而入山谷晝伏夜遊生女則巢居穴處 莊陽編同昌公主疾甚醫者云紅密白猿脂食之可愈內庫得白猿脂數甕本南海所獻 天中記猿食果故其膽黑甜 酉陽雜俎猿臂可

為笛吹之其聲圓如竹 [古今注]猿一名參軍 [吳越春秋]越有處女出於南林之中道逢老人自稱袁公女舉杖擊之飛上樹變為白猿 [異聞錄]王績遊嵩少選一散岩石堂績棲止焉月夜見一胡鬚眉白而瘦稱山公與績談論往往有異績疑其怪取鏡光出而胡者走失化為猿而頌 [因話錄]李約多蓄古器養一猿名山公嘗以之隨逐月夜泛江登金山擊鐵鼓琴猿必嘯和傾壺連且不俟外賓約汧公子也 [王氏見聞]王仁裕嘗從事於漢中家於公署巴山有採捕者獻猿兒焉憐其小而慧點使人養之名曰野賓呼之則應經年充博壯盛頗為患乃於頸上繫紅綃一縷題詩送之於孤雲

兩角山

[清異錄]華山道士李道殷山棲谷飲有奇術能攝伏鬼神畜一黑猿呼為臂童道殷於菴側古松上以茅草枝營一巢為臂童寢息之所名峻青宅 [抱朴子]山中中申申稱九卿者猿也 [廣異記]巴西有巨猿自稱巴西侯 [樹萱錄]王緝嘗讀書嵩山有四叟攜榼來相訪自稱木巢南林大節孫文蘇不婚虬高談劇飲既醉俱化為猿升木而去 [桂海記]猿有金絲者黃色玉而者黑色及身面皆黑者或云黃者牡黑者牝牝能嘯牡不能也 [山海經]堂庭之山發爽之山其上多白猿 [北戶錄]段公路咸通十年往高涼程次青山鎮其山多猿有黃緋者絕大毛彩殷鮮真謂奇獸多羣行立者

善啼啼數聲則眾猴叫嘯騰躡如相呼焉其音凌入肝脾通合宮徵因名獵者捕而養之名曰巴兒極馴不食食於樹杪間呼之則至後自潘州回路歷仙虛聞舊山猿啼不食而卒乃積薪藏坎

**猴** 癸辛雜志武平素產金線猴大者難馴小者其母抱持不少置法當先以藥矢斃其母母既中矢度不能

自免則以乳汁遍灑林葉間以飲其子然後墮地死邑

人取其母皮痛鞭之其子亟悲鳴而下束手就獲蓋每

夕必寢其皮而後安不則不可育 楊文公談苑猴蓋

猿狖之屬輕捷善緣木大小類猿長尾尾作金色俗為

金線猴是也生川陝深山中人以藥箭射殺取其皮為

臥褥鞍被坐氈之用猴甚愛其尾既中毒即齧斷其尾

以禦之惡其為身患也或云猴毛以藉衣不皺 陳貞

父寶雞錄嘗見鬻皮于市似猿猴而長尾尾色紅間之

曰猴也去來林間如飛猿猴之族千百為羣出采山核

猴至莫不俯首帖服不敢張目視猴歷視其肥瘠者取

小石或落葉識其首噉且飽猴臥或它去猿猴散走其

首有識者惴惴待牙吻無動其點者乘間竊取首所識

移之隣已得脫去而隣代之矣 玉堂閒話猴者猿猴

之屬其雄毫長一尺尺五者常自愛護之如人披錦繡

之服也極嘉者毛如金色今之大官為暖座者是也生

於深山中羣隊動成千萬雄而小者謂之猴奴獵師採

格致鏡原卷八  
取者多以桑弧楛矢射之其雄而有臺者聞人犬之聲則捨羣而竄抱一樹枝接一樹枝去之如飛或於繁柯穠葉之內藏隱其身自知葺好獵者必取之其雌與奴則綏綏旋食而傳其樹殊不揮霍知人不取之則有溝一子至一子者甚多其雄有中箭者則拔其矢艱之覺有藥氣則折而擲之嘔眉愁沮攀枝蹲於樹巔於時藥作抽掣手足俱散臨墮而知攬其枝如是者數十度前後嘔噦呻吟之聲與夫無別物口中涎出則悶絕手散墮在半樹接得一細枝稍懸身移時力所不濟乃墮於地則人犬齊到斷其命焉獵人求嘉者不獲則便射其雌雌若中箭則其子隨去復來抱其母身去雖不獲乃

母子俱斃

果然

吳錄地理志九真青洞縣有獸名果然狻猊類

也色青赤有文居樹上此郡及日南皆有之南方草

物狀果然獸生在山林上民人以弓毒射之剝取皮

文青赤白色縫相連作席南州異物志交州以南有

果然獸其鳴自呼身如狻猊而通身白毛其體不過三

尺而尾長四尺餘反尾度身過其頭視其鼻仍見兩孔

仰向天其毛長柔細滑澤色以白為質黑為文視如蒼

頭鴨脅邊斑文集十餘皮所得一褥繁文麗好細厚溫

煖埤雅然獸似狻猊青身黑頰有髯髯黑其手亦黑性

好理鬣又愛其類生相序死相赴殺一可以致百售說

狸皮五色中為甚。[段氏遊蜀記]戎人進果然褥阜  
褐碧三色相間。[夷堅續志]果然似猿而差大行則大  
者前小者後有為射中者則生者拔死者箭自刺而死  
可謂仁義之獸矣。[李肇國史補]揚州人取一果然而  
數十果然可得蓋果然不忍傷其類聚族而啼雖殺之  
不去也此獸獸狀而人心薄俗有不如者果然大類猩  
猩。[天中記]果然九真土人號曰歌然。  
[備]威應類從譜獨一叫而猿散蓋獨猿類也似猿而  
大食猿俗謂之獨猿其一鳴猿皆騰木拔林振動惴慄  
而避匿之矣。

猴 附 獼 虞 雖

**總論** [埤雅]猴猴也此獸無脾以行消食蓋猿之德  
以緩猴之德躁以器。野人閒語蜀中有楊千度者善  
弄胡孫人問其術曰胡孫乃獸實不會人語先餌以盤  
砂變其獸心然後可教耳。[真珠船]御馬監山猴十隻  
日食白米一斗紅棗二觔八兩。[北夢瑣言]獼猴見僧  
即必圍遶狀如供養戎瀘夷獠亦啗此物但於野外石  
上踞跏而坐以物蒙首有如坐禪則必相悅而來馴擾  
之遠巡眾云唯留一個伴假僧偶坐僧以斧擊將歸充  
食人以其害稼乃致酒糟盆盛播於野逕仍削木棒可  
長一二尺者三五十條於側邊其猴啗糟醉後拈棒相  
擊脚手損折由此併獲。[麗元英談藪]漁溪云曩在筠

格致鏡原卷八十七 獸類 猴

五

州新昌縣嘗出遊歷將至五峰馬上遙見山中草木蟻  
蠕動疑為地震馭者云滿山皆猴也數以千萬計行人  
獨過常遭戲虐每羣呼跳浪而至扳緣頭目曾項手足  
袞成毛毬雖有兵亦亦無所施往往致死韻府續編  
瓜哇國山中多猴不畏人呼以膏膏之聲投以果則其  
二大猴先至土人謂之猴士猴夫人俟其食畢羣猴始  
食其餘鳥獸續考瓜哇國其港口有一洲林木深茂  
有長尾猢猻萬數聚止於上有一黑色老雄猴為主脚  
一老番婦人隨側其國中婦人無子嗣者備菓酒飯餅  
之類往禱於老猴喜則先食物餘令諸猴食爭奪食盡  
其物則有雌雄二猴來前威為驗此婦回家即便有

孕否則無孕也珍珠船道州有舜祠凡遇正月初吉  
山狙羣聚到祠傍以千百數跳浪奮擲狂奔疾走如是  
者五日而去次狙亦如之三日乃去土人謂之狙猥朝  
廟抱朴子獼猴八百歲變為猿又五百歲變為隗又  
一千歲變為蟾蜍後山談叢峽中有坐化胡孫抱  
朴子滕永叔常有犬獼猴鎖著牀間犬忽齧殺之永叔  
便合鎖埋之後百許日有見鬼者往見獼猴走上永叔  
承摩上不悟是鬼也驚指之曰獼猴何以被傷血流斷  
足乎永叔曰始乃知猴死復有鬼也異物志南方人  
以獼猴頭為鮓珍珠船漁人以猢猻毛置網四角則  
多得魚云魚見之如人見錦繡也

廣雅猴一名狙一名玉孫一名胡孫 楊慎外  
集狙一名葛狝 格物總論猴獠也獠也楚人謂之沐  
猴狀類人毛色黃有尾 清異錄武宗為王時畜禽獸  
為十玩猴曰惺惺奴 幕府燕閒錄唐昭宗播遷隨駕  
有弄猴能隨班起居昭宗賜以緋袍號供奉又謂之猴  
部頭羅隱詩何如學取孫供奉一笑君王便著緋是也  
朱梁篡位取猴令殿下起居猴望見全忠徑趨而前跳  
躍奮擊 清異錄郭休隱居太山畜一胡孫謹恪不踰  
規矩呼為尾君子 古今詩話京師優人以雜物數十  
種布地使人暗記物色然後遣沐猴認之每沐猴得之  
優人即曰道著也馬雷馬雷蓋優人呼沐猴之名 劉

玉已瘳編丞相胡惟庸畜胡孫十數衣冠如人有客至  
則令供茶行酒能拜跪揖讓吹竹笛聲尤佳又能執朱  
戚舞蹈人稱之為孫慧郎 抱朴子山中東曰稱人君  
者猴也

詳類 詩義疏獠獠猴也老者為獠獠獠猴捷也其  
鳴嗷嗷而悲 寰宇記戎州夷地出獠獠似猿而四足  
短一騰一百五十步迅如鳥飛 名義考為母猴其為  
禽好爪有作造之意故凡作造曰為 崇安志武夷山  
多獠猴其小者僅如拳 山堂肆考萬州城南有道士  
畜一胡孫小於蝦蟇以線繫几案間道士飯已即登几  
食其餘 天監起居注林邑王范續乞內附為臣獻白

猴一頭 事物紺珠 紅猴出百花國 霏雪錄 地猴形極小人馴養之縱入黃鼠穴啣其喙曳而出之 物類相感志 海猴生海中候潮出沒形如豬鼻吼聲腦上有孔噴水直上數丈人先得其子繫在水中其母自來就之因而取之其子常隨母也 庶物異名疏 前見猴屬周書王會穢人前兒前兒若獼猴立行聲似小兒穢韓穢也東夷別種 山堂肆考 騰豹一名騰豹沐猴類也頭方正貌類人髮長尺餘常覆面欲有所視輒搖頭以兩手披之

爾雅註 猥猥也似獼猴而大色蒼黑能攫持人好額盼 本草 猥純牡無牡攝人婦為偶生子故名猥炎

搜神記 蜀中西南高山之上有物與猴相類長七尺能作人行善走逐人名曰猥國一名馬他或曰猥同道行婦女年少者輒盜取將去人不得知若有行人經過其旁皆以長繩相引猶故不免此物能別男女氣臭故取女男不知也若取得人女則為家室其無子者終身不得還十年之後形皆類之意亦惑不復思歸其有子者輒抱送還其家產子皆如人形有不養者其母輒死故懼怕之無不敢養及長與人不同皆以楊為姓故今蜀中西南多姓楊率皆是猥國馬化之子孫也

神異經 西方獸名獼大如驢狀似猴善緣木純乳無牡羣居要路執男子合之而孕十月生獼 爾雅註



建平山中有虞大如狗似獼猴黃黑色多髯鬚好奮迅其頭能舉石擲人獼類也

**雌** 爾雅雌卽鼻而長尾 註雌似獼猴而大黃黑色尾長數尺似獼尾未有岐鼻露向上兩卽自懸於樹以尾塞鼻或以兩指江東人亦取養之爲物捷健 葆光錄傅弘業宰天台縣有人獵得一獸形如豕仰鼻長尾有岐人謂之怪傅識之曰雌非怪也

格致鏡原卷八十七終

格致鏡原卷八十八

獸類七

狐

**總論** 說文狐妖獸也鬼所乘也 白虎通狐有三德其色中和小前大後死削首丘謂之三德 易小狐汔濟濡其尾 格物總論狐形似黃狗鼻尖尾大捕之者多用罝陶隱居云江東無狐出北方及益州今江南亦時有京洛尤多 述征記盟津寒則冰厚數丈冰合車馬未敢過要須狐行云此物善聽冰下無水聲乃過人見狐行方渡 水經注狐性多疑 埤雅舊說狐有媚珠又曰狐禮北斗而靈善變化其爲物妖淫 玄池說

林狐之相媚也必先呂以口相接 玄覽千年之狐姓  
趙姓張五百年狐姓白姓康 抱朴子千歲之狐知將  
來 朝野僉載唐初已來百姓多事狐神房中祭祀以  
乞恩食飲與人同之事者非一主當時有諺曰無狐魅  
不成村 淮南子犀角駭狐以犀角置狐穴中狐不歸  
廣異記唐有楊氏者二女并嫁胡家小胡郎為主母  
所惜大胡郎謂其婢曰小胡郎乃野狐爾文母乃不惜  
我反惜野狐婢還白母問何以知之答云宜取鵲頭懸  
戶上小胡郎若來令妻呼伊祈熟肉再三言之必當走  
也楊氏如言小胡郎果走故今人相傳云伊祈熟肉辟  
狐魅甚有驗也 玄中記鉛錫之精為狐狸 抱朴子

山中戌日稱城陽公仲者狐也 山堂肆考飛狐道相  
傳有狐於紫荆嶺食松五粒成飛仙故名 言類  
楚辭卦狐千里注天狐也健走千里 百六帖  
禹年三十未娶曰吾妻必有應後乃有白狐九尾而應  
之 宋書白狐王者仁智則至 河圖白帝生先致白  
狐 穆天子傳天子獵於滲澤得白狐 晉錄咸寧二  
年有白狐七尾見汝南 瑞應編周文王拘羑里散宜  
生詣塗山得青狐以獻紂免西伯之難 王會圖玄模  
黑狐也 山海經武都之山黑水出焉其上玄狐蓬  
尾注蓬大也其狀銳口而大尾 宣室志李林甫方居  
相位嘗退食至於堂之前軒見一玄狐其質甚大若牛

馬而毛色黯黑有光林甫命弧矢將射之已亡見矣其  
歲林甫籍沒 春秋運斗樞機星得則狐九尾 百虎  
通狐九尾何狐死首丘不忘本也明安不忘危也必九  
尾者何九妃得其所子孫繁息也於尾者何明後當盛  
也 瑞應編九星狐者神獸也其狀赤色四足九尾出  
青丘之國音如嬰見食者令人不逢妖邪之氣及蠱毒  
之類 酉陽雜俎道術中有天狐別行法言天狐九尾  
金色役於日月宮有符有醮目可以洞達陰陽  
狐 抱朴子狐壽八百歲三百歲即解變為人 各  
山記狐者先古之淫婦也其名曰紫化而為狐故其怪  
多自稱阿紫 玄中記狐五十歲能變化為婦人百歲

為美女為神巫或為丈夫與女人交接能知千里外事  
善蠱魅使人迷惑失智于歲即與天通為天狐 酉陽  
雜俎野狐名紫夜擊尾出火將為怪必戴髑髏拜北半  
髑髏不墜則化為人矣 宋高僧傳什志玄者河朔人  
曾至絳州夜泊墓林中其夜月色如晝見一狐從林下  
將髑髏置首搖之落者不顧不落者戴之更取芳草墮  
葉遮蔽其身俄成美女素服立於道左微聞有馬行聲  
女子哀泣悲不自勝少選有乘馬郎至與言久之欲將  
偕去玄從林中出謂之曰此狐也其人不信玄乃振錫  
胡語女遂化狐而走其人叩頭悔過焉 南部新書晉  
天福甲辰歲公安滄濟民家犬逐一婦登木而墜為犬

咬死乃老狐也尾長七尺八寸宣室志張鉉遇巴西疾  
置酒邀玄丘校尉至一人衣黑衣天將曉鉉惺寤一狐  
臥於前蓋所謂玄丘校尉也廣異記睢陽郡宋王家  
旁有一老狐每至衙中邑中之狗悉往朝之狐坐冢上  
狗列其下東都王老有雙犬能咋魅前後殺魅甚多朱  
人相率以財崔大咋狐王老牽犬往犬乃逕詣諸犬之  
下伏而不動大失宋人之望今世人有不丁其事者相  
戲云取睢陽野狐犬奇事記驪山下有一白狐驚擾  
山下人不能祛除唐乾符中忽一日突溫泉自浴須臾  
之間雲蒸霧湧狂風大起化一白龍昇天而去後或陰  
暗往往有人見白龍飛騰山畔如此三年忽有一老父

每臨夜即哭於山前數日人乃伺而問其故老父曰我  
狐龍死故哭爾人問之何以名狐龍老父又何哭也老  
父曰狐龍者自狐而成龍三年而死我狐龍之子也人  
又問曰狐何能化為龍老父曰此狐也稟西方之正氣  
而生胡白色不與衆遊不與近處狐託於驪山下千餘  
年後偶合於雌龍上天知之遂命為龍亦猶人間自凡  
而成聖耳言訖而滅

狸附 狸雜

**總論** 爾雅疏字林云狸伏獸似貍其子名隸郭云今  
或呼貍狸對禪書注徐廣曰狸一名不來埤雅狸  
之伺物卑身而伏以候赦者似貍而小文彩斑然異於

格致鏡原卷八 獸類 狐怪 狸

貓貉 名物考 鄭氏云狸善搏者也行則止而擬度焉其發必獲是以量侯道取象焉詩曰取彼狐狸為公子裘言狐善疑狸善擬不可以有為故古者以為燕居之裘齊大夫東郭書衣狸製是也 物類相感志 淮南子云狸頭愈鼠許慎曰狸能執鼠故愈也 埤雅 袁狎曰河冰上有狸迹便堪人度崔劼以為狸當作狐狐性好疑故渡冰輒聽不知所謂聽冰非狐性獨然狸亦有之也 淮南子 繆稱訓今謂狐狸則必不知狐又不知狸非未嘗見狐者必未嘗見狸者 禮內則 食狸去正脊注為不利於人也

**詳類** 格物論 狸形似貓其文有二一如連錢者一如

虎紋者肉味與狐不相遠皆可作羹臠 正字通 狸有數種大小似狐毛雜黃黑有斑如貓員頭大尾者為獬狸善竊雞鴨肉臭不可食斑如狸虎方口銳頭者為虎狸食蟲鼠果實 格物論 狸似虎斑亦有似貓斑者又一種香狸有麝氣一種面白而尾似牛名玉面狸又名牛尾狸專食百果 廣雅 玉面狸人捕畜之鼠帖服不敢出 格物論 一種似兔而短多棲息高木候風吹之而過他木謂之風狸 霏雪錄 風狸止食山果而乘風過枝甚捷味獨勝他狸宜糟食尤佳 酉陽雜俎 風狸生南中眉長好羞見人則低頭溺可治風 博物志 有獸緣木文似豹名虎僕毛可取以為筆俗名九節狸是

也 格物論晝伏夜出金眼長尾黑質白章尾文九節  
名九節狸性狡而捷好捕鼠 正字通似虎狸尾黑白  
錢文相間者為九節狸皮可為裘領宋史安陸州貢野  
貓花貓即此二種也 事物紺珠五段狸尾黑白文相  
間各五段肉肥美海狸出東海吐島中產乳逢人則化  
魚入海 異物志靈狸一體自為夫婦故能媚人 丹  
鉛總錄楚辭九歌乘赤豹兮載文狸王逸注云神狸而  
不言其狀按山海經竇爰之山有獸焉狀如狸而有鬣  
其名曰類自為牡牝余在大理嘗見之其狀如狸其文  
如豹土人名曰香鬣疑即此物也星家衍心星為狐二  
十八宿真形圖心星有牡牝兩體王逸所謂神狸之說

乎 抱朴子千歲之狸變為好友 抱朴子山中寅  
日稱命長者老狸也 齊諧記張華為司空時燕昭王  
墓前有一斑狸化為書生詣張公談論三日不屈 異  
聞錄王度至長安程雉家雉新受寄一婢頗端麗名曰  
鸚鵡度疑其精魅引鏡逼之化為老狸而死 幽明錄  
漢董仲舒嘗下帷獨詠忽有客來風姿音氣殊為不凡  
與論五經究其微奧仲舒素不聞有此人而疑其非常  
乃謂之曰巢居知風穴處知雨卿非狐狸即是老鼠客  
聞此言色動形壞化成老狸蹶然而走 異苑長山雷  
元放宋元嘉十九年曾捕得一狸剖腹得一狸又破之

各放竟原宋元嘉十九年曾捕得一狸剖腹得一狸又破之

六

更獲一狸方見五臟三狸雖相抱讓而大小不殊元寂  
不以為怪以皮挂於屋後其夜有羣狸遠之號呼失皮  
所在元寂家亦無他

**貉** 爾雅獬子獬注其雌

者名獬今江東呼貉為獬獬

字林貉似狸其營窟與

獬皆為曲穴以避雨暘亦以防患俗云獬貉同穴而異

處獬之出穴以貉為導 墨客揮犀貉狀似兔性嗜睡

人或畜之行數十步輒睡以物擊竹警之乃起既行復

睡 陳禹謨名物考楚蜀界中多貉俗名野馬其皮紋

上員下方旁如魚鳥狀寢處其皮者立能解醒設有警

急輒毛豎乃知古人用以製裘不特取其溫厚也 **考**

工記貉踰汶則死地氣然也 困學紀聞考工記貉踰

汶則死儒以汶為魯之汶水列子釋文云按史記汶與

嶧同謂汶江也今江邊人云狐不渡江說文狐貉類也

踰越大水則傷本性

**獬** 事物原始獬色黃而微黑尾短毛臭而肉羶山陝

遼東皆謂之狗獬吳越皆呼小黃善為曲穴而避藏防

人害也 本草綱目獬獬也獬狗獬二種相似而略

殊遼東女直有海獬皮可為裘領亦此類也 格物總

論獬肥矮毛微灰色頭連脊毛一道黑紫尖黑尾短闊

蒸食之極美 正字通猪獬一名獬狫狀似小豬體肥

行鈍穴居足尾短褐毛尖喙能孔地食蟲肉有土氣蘇

頌所言似犬而矮黑色乃狗豨非貓也 五雜組 獾如  
犬穴地中常以夜出田野覓食雞鳴即還其行皆有熟  
路土人覓其穴置罝於穴口雞鳴時縱犬嗾之奔而入  
穴即獲焉其肉膾甚不能多啖也

兔

**總論**

春秋運斗樞玉衡星散而為兔瑤光行失則兔

出月

注陰不銜陽故兔出月 典略兔者明月之精

論衡儒者言月中有兔夫月水也兔在水中則死夫兔  
者月氣耳 埤雅兔視月而孕故楚辭曰顧兔在腹言  
顧兔居月之腹而天下之兔望焉於是感氣蓋咀嚼者  
九竅而胎生獨兔雌雄八竅五月而吐子里俗又謂視

顧兔而感氣故卜秋月之明暗以知兔之多寡 論衡

兔砥雄豪而孕及生子從口中出 埤雅兔吐而坐子

故謂之兔兔吐也 格物總論兔鼠形尾區鬣短大如

貓毛色褐耳大而銳且卓口缺長鬚尻九孔跌居趨捷

善走 淮南子孕婦見兔而子缺唇 木蘭歌雄兔脚

撲楸 一作撲朔 雌兔眼迷離 抱朴子兔壽千歲滿五百

歲則色白 齊策馮諼謂孟嘗君曰狡兔有三窟僅得

免其死耳 五雜組狡兔遇鷹來撲輒仰臥以足掌其

爪而裂之鷹即死惟鵑則不用爪而以翅擊之使翻便

啄其目而攫去又鷹遇石則不能撲兔見之輒依巖石

傍旋轉鷹無如之何別盤飛其上良久不去人見而迹



之兔可徒手捉得也 稽神錄楊邁田獵放鷹於野見

草中一兔跳躍搏之無有如是者三即其草而求之得兔骨一具蓋兔之鬼也 考異郵 熒惑不明雉生兔焉

述異記 殷紂時兔生角是甲兵將興之兆 竹書紀年 宣王三十年有兔舞于鎬京 禮記 祭宗廟之禮兔

曰野視 雲窗私志 后羿獵於巴山獲一兔大如驢異之置柙中中塗失去柙掩如故羿夜夢一人冠服如王者謂羿曰我鵠扶君為此土之神而何辱我我將假手

於逢蒙是日逢蒙弑羿而奪之位兔曰鵠扶自此始也 抱朴子 山中卯日稱夾人者兔也 爾雅 翼岳陽人以兔為地神無敢獵者 清異錄 韋巨源上燒尾食以

純兔為卯羹 遼志 三月三日國人以木雕為兔走馬射之呼此節為淘裏化漢人云海裏是兔化是射

爾雅疏 兔之子名媿郭云俗呼曰鱸其迹各述字林云迹兔道也絕有力者名欣 廣志 兔大者曰龜

格物論 一種似兔而大青色形與兔同足與鹿同是謂之兔亦兔類也 瑞應圖 王者恩加耆老則白兔見

古今注 成帝建平元年山陽得白兔目赤如朱 瑞應圖 赤兔者瑞獸也王者盛德則至 晉書 載記石勒

時獲黑兔或以為勒革命之祥於晉以水承金兔陰精之獸玄為水色於是改年太和 通考 宣和元年淄州

獲黑兔 清異錄 毫社吉祥僧刹有僧誦華嚴大典忽

格致鏡原卷六 獸類

一紫兔自至馴伏不去隨僧坐起聽經坐禪惟食菊花  
飲清泉僧呼菊道人  
〔春秋後語〕淳于髡說齊威王曰  
東郭競者海內之狡兔也  
〔天玄生物簿〕孕環之兔懷  
於左腋毛有文彩間色至百五十年當轉環於腦能隱  
形人不能見矣  
〔酉陽雜俎〕韋絢言巴州兔作狸斑  
酉陽雜俎明月兔狀如兔前脚長數寸後脚人餘尾長  
目而彎趨捷善走出河西  
〔埤雅〕莽丹北境有跳兔前  
足纔寸許後足幾一尺行則用足跳一躍數尺止則蹶  
然仆地  
〔金幼孜北征錄〕沙穴中跳兔大如鼠其頭目  
毛色皆兔爪足則鼠尾長其端有毛或黑或白前足短  
後足長行則跳躍犬不能獲  
〔括地圖〕天池之山有獸

如兔名曰飛兔以背毛飛  
〔洞冥記〕北極有潰陽之山  
有兔如鼠能飛毛色光如漆以腦和丹食之則不死  
拾遺記昆吾山有獸大如兔毛色如金食土下之丹石  
深穴地以為窟亦食銅鐵膽腎皆如鐵其雌者色白如  
銀

獺

說文獺如小狗水居食魚獺屬也  
漢書賈誼傳獺蟻  
獺以隱處兮應劭注獺木蟲害魚者也  
本草會編獺  
四足俱短頭與身尾俱褊毛色若故紫帛大者身與尾  
長三尺餘食魚居水中出水亦不死  
〔格物總論〕獺水  
狗形類犬頭如馬身如蝙蝠鼻尖尾太  
〔埤雅〕獺獸西

各攷境原卷八 獸類 獺

方白虎之屬似狐而小青黑色。〔汲冢周書〕雨水之日  
獺祭魚。獺不祭魚國多盜賊。〔禮記〕獺祭魚然後漁人  
入澤梁。〔埤雅〕獺取鯉於水裔四方陳之進而弗食世  
謂之祭魚蓋自祭其先如豕豕然。〔山堂肆考〕獺一歲  
二祭豕祭方獺祭圓言豕獺之祭皆四面陳之而獺圓  
布豕方布也俗傳獺祭魚將魚羅列於前取黃頰魚一  
枚以爪按其頭作聲如人有巫祝也故俗呼黃頰魚爲  
魚師祭畢獺食諸魚而縱魚師於水。〔續齊諧記〕魏明  
帝遊洛水水中有白獺數頭美靜可憐見人輒去帝欲  
見之終莫能遂侍中徐景山曰獺嗜鱸魚乃不避死盡  
收作兩生鱸魚懸置岸上於是羣獺競逐一時執得一

朝野僉載通川界內多獺各有主養之。盃在河側岸間  
獺若入穴插雉尾於獺孔前獺卽不敢出去却尾卽出  
取得魚必須上岸人便奪之取得多然後放令自喫喫  
飽則鳴板以驅之還插雉尾更不敢出。〔酉陽雜俎〕元  
和未鈞州郎鄉縣民有養獺十餘頭捕魚爲業隔日一  
放將放先閉於深溝石門內令飢然後放之無網罟之  
勞而獲甚厚令人抵掌呼之羣獺皆至緣衿藉膝馴若  
守狗。〔陳繼儒筆記〕永州養馴獺以代鷓鴣沒水捕魚  
常得幾十斤以供一家甚有能搗鱉者。〔蟬史〕獺又能  
捕鳥見鳧鷖羣在則仰臥於水離水面尺許吐沫引之  
鳥見沫浮羣飛啄之獺乃以四足抱鳥如鳥賊之擒魚

也。格物論：獺亦能休於大木上，世謂之木獺。嘗有糜置大水囊中，於其間旋轉如風水為之成旋，壠起四面，高中心凹，下觀者駭曰：海獺大如狗，脚下有皮如人駢拇毛著，水不濡海人亦食其肉，皆獺之屬也。李時珍本草：今人取海獺皮為風領，亞于貂。鳥獸續考：世傳補助奇僻之品，有所謂山獺者，以少許磨酒飲之，立驗。然本草醫方皆所不載，止見桂海虞衡志：獺性淫，毒山中，有此物，凡牝獸悉避去，獺無偶，其骨能解箭毒，殺死者功力劣，抱木枯死者，土人自稀得，南丹州即此物所產之地，其土人號之曰插翹，一枚直黃金數兩，私貨出界者罪至死。方春時，徭女數千歌嘯山谷，以尋藥挑菜。

為事獺性淫，或聞婦人氣必躍升其身，次骨而入，牢不可脫，因扼殺而藏之。土人驗之之法，每令婦人摩手極熱，取置掌心，以氣呵之，即躍然而動，蓋為陰氣所感故耳。東哲發蒙記：獺以獾為婦。埤雅：獺飲酒而斃。本草：西戎以獺皮飾毳服，領袖則汚垢不染，如風霾翳目，即以補口，拭目中即出。拾遺記：吳孫和悅，鄧夫人嘗舞水精如意，誤傷夫人頰，血流嬌姪，彌苦命，太醫合藥，醫曰：得白獺髓，雜玉與琥珀屑當滅此痕，即購白獺髓，有富春漁人云：此物知人欲取，則逃入石穴，伺其祭魚之時，獺有鬪死者，穴中應有枯骨，雖無髓，其骨可合。玉春為粉，敷於瘡上，其痕則滅，和乃命合此膏。琥珀太

多及差而有赤點如朱逼而視之更益其妍  
膽分盃嘗試之不驗惟塗於盞唇但使酒稍高於盞面  
分盃之事亦古今傳誤言也  
〔本草〕蘇頌曰諸畜肝葉皆有定數獨獾肝一月一葉十二月十二葉其間又有退葉用之須見形可驗不爾多偽也  
〔周處風土記〕陽羨縣前有大橋下有瀨將有兵動獾出穴口西南而嗥  
〔搜神記〕吳郡無錫陂吏丁初於雨中循隄防見小婦人上下青衣戴青傘來追初急行回顧婦人自投陂中乃是大蒼獾衣傘皆荷葉也此獾化為人形數媚年少者也  
〔九國志〕楚廖光圖與伊岳道士伊用昌為林泉之交母病思繪屬江水夏漲魚不可得用昌深懷得一

木獾長三寸許再三祝之投於江中須臾波浪沸遂擒一巨鱗出獾著魚背堅不可脫用昌舉之水獾耳因取鱗母愈  
〔朝野僉載〕郴州刺史王琚刻木為獾沉於水中取魚引首而出蓋獾口中安餌為轉關以石繩之則沉魚取其餌關即發口合則銜魚石發則浮出

鼠  
〔格物總論〕鼠小獸善為盜  
〔蠶海錄〕鼠之前爪四指陰也後爪五指陽也故為陰陽之始  
〔埤雅〕鼠性疑出穴多不果故持兩端謂之首鼠鼠類最壽俗謂之老鼠是也  
〔兩航雜錄〕鼠於果熟時竊取覆藏之有人掘鼠穴得粟橡百果多至石故北人目

善齋財者曰鼠鼠首出穴先觀望前却故謂之首鼠北

人目南人為鼠以其善窺探也西陽雜俎凡鼠食死

蓋無蓋皆凶彙苑鼠昨入衣帽則有福祿至大吉

淮南子狸頭愈鼠注鼠齧人刺狸愈之博物志鼠食

巴豆三年重三十斤朝野僉載礬石可以害鼠張鷟

會試之鼠中毒如醉亦不識人猶知取泥汁飲之須臾

平復西陽雜俎舊說鼠王其野精一滴成一鼠一說

鼠母頭脚似鼠尾蒼口鏡大如水牛性畏狗溺一滴成

一鼠時有鼠災多起於鼠母鼠母所至處動成萬鼠其

肉極美西陽雜俎鼠膽在頭活取則有朝野僉載

嶺南獠民好為蜜唧即鼠胎未瞬通身赤蠕者飼之以

蜜釘之筵止躡躡而行以筋挾取啖之唧唧作聲故曰

蜜唧文子鄭人謂玉未治者為璞周人謂鼠未腊者

為朴周人懷朴問鄭賈曰欲之乎出其朴視之乃鼠朴

也晉陽秋大興中衡陽區純作鼠市四方丈餘開四

門門有木人縱四五鼠於中欲出門木人輒以椎推之

西陽雜俎于肅造逐鼠尤以銅為之晝夜自轉合

壁事類蘇子瞻有却鼠牙倦遊錄嶺南人食鼠謂之

家鹿雲仙雜志山中謂鼠為社君事物紺珠鼠名

黠蟲以其善竊物

南康記南康山石室號金室內金色有金鼠特

見也 [唐西域傳]于闐西有沙磧鼠大如蝟色類金出入羣鼠爲從 [本草]北胡銀鼠白色如銀古名顯鼠 [蟬史]銀鼠似貂而白色毛長三寸柔煥可愛皮勝於貂鼠 [錄異記]白鼠身毛皎白耳足紅色眼睚赤赤者乃金玉之精伺其所出掘之當獲金玉云鼠五百歲卽白耳足不紅者乃常鼠也 [抱朴子]南海白鼠重數斤毛可爲布 [錄異記]義鼠形如鼠短尾每行遮相咬尾三五爲羣驚之則散俗云見之者當有吉兆成都有一 [埤雅]有一種鼠見人則交其前足而拱謂之禮鼠亦謂之拱鼠 [天中記]詩相鼠有體人而無禮陸璣云河東有大鼠能人立交前兩脚於頭上跳舞善鳴孫奕云

相地名按地志相州與河東相隣則知相州有此鼠詩人蓋取譬焉若如毛氏以相爲視則視物之有體與皮者皆可以喻禮何以取鼠哉 [霏雪錄]北方黃鼠穴處各有配匹人掘其穴者見其中作小土窖若牀榻之狀則牝牡所居之處也秋時蓄黍菽及草木之實以禦冬各爲小窖別而貯之天氣晴和時出坐穴口見人則拱前腹如揖狀卽鼠入穴韓孟聯句所謂禮鼠拱而立者是也惟畏地猴形極小人馴養之縱入其穴則啣黃鼠喙曳而出之味極肥美元朝恒爲玉食之獻置官守其處人不得擅取也 [本草綱目]鼯鼠卽黃鼠 [說文]鼯鼠出丁零胡皮可作裘 [說文]貉鼠大黃黑出丁零國

管子立政篇百工商賈不得服長鬃貂

鼠類毛者也其皮煥于狐貉取以為帽得風則煖其

毛拂面如燭朔地苦寒人以其皮溫額後代效之

金璫飾首前插貂

左常侍插右貂取內勁捍而外溫潤其色紫蔚而不耀

魏志挹婁國出好貂今所謂挹婁貂是也

異苑貂

出句麗國常有一物共居穴或見之形貌類人長三尺

能制貂愛樂刀焉其俗人欲得貂皮以填按穴口此物

夜出穴置皮刀邊須人持皮去乃敢取

北朝使云青貂穴死牛鹿掩取之紫貂并木射取之黃

貂乃其老者銀貂最貴契丹王服之

唐書安定公主

下嫁回鶻會昌三年來歸以

山堂肆考鼯鼠一名鼯又各黃鼠狼鼠豺如鼠而大

純黃色善捕鼠亦能盜齧雞鳴人頗患之

健於捕鼠似貂赤黃色大尾今俗謂之鼠狼廣雅曰鼠

狼鼯是也一名鼯栗鼠似之蒼黑而小取其毫於尾可

以製筆世所謂鼠鬚栗尾者也其鋒乃健於兔

五雜

鼠狼雖小而竊食雞鶩之類一齧即斷其喉十百為

羣皆齧殺無遺而後去行走如飛其氣腥惡狗齧之亦

噦吐竟日云

錄異記鼯鼠首尾如鼠色青黑短足有

指形大重千餘斤出零陵郡界不知所來民有災及為

惡者鼠輒入其田中振落毛衣皆成小鼠食其苗稼而



去或捕得鼯鼠者治其皮飾為帶頗能瀝芻為其三毛  
出於一孔與常皮有異人多寶之 五雜俎鼠大有如  
牛者謂之鼯鼠爾雅謂之鼯舊說揚州有物度江而來  
形狀皆鼠而體如牛人莫能名有識者曰吾聞百斤之  
鼠不能敵十斤之猫盡試之乃求得 巨猫十餘斤者  
往鼠一見即伏不敢動為猫昨殺此亦鼠之一種不恒  
有者也 郭璞洞林宣城郡有隱鼠大如牛形似鼠象  
脚脚有三甲皆如驢蹄身赤曾前尾上白 金樓子晉  
寧縣境出大鼠狀如牛土人謂之偃牛 兩統雜錄鼠  
鼠乃伯勞所化又能化為鴛鴦見日月光則死蓋陰物也  
本草綱目鼯鼠一名田鼠一名鼯即鼯也俗以其尖

鼻能穿地謂之隱鼠 爾雅疏鼠郭云地中行者廣  
雅云鼯鼠也方言云名鼠鼠即此鼠謂起地若耕因名  
云 本草隱鼠陰穿地而行或曰是野田中尖紫鼠  
爾雅鼯鼠注形大如鼠頭似鴛鴦存毛青黃色好在田  
中食粟豆 說文鼯五技鼠也 俾雅鼯鼠兔首似鼠  
而大能人立交前兩足而舞害稼者一名雀鼠廣雅云  
鼯鼠鼯鼠是也 爾雅疏豹文鼯鼠郭云鼠文彩如豹  
者漢武帝時得此鼠孝廉郎終軍知之賜絹百匹 唐  
韋若虛傳幸怡諫為職方有異鼠豹首虎臆大如拳怡  
諫以為鼯鼠而賦之若虛曰此說文所謂鼯鼠豹文而  
形小一坐驚服 春秋成七年春鼯鼠食郊牛角改卜

牛鼯鼠又食其角。爾雅疏鼯鼠者李巡曰鼯鼠鼠郭云有螫毒者蓋如今鼠狼春秋成七年食郊牛角者是也何休亦云鼯鼠鼠中之微者。埤雅鼯鼠一名鼯鼯一名鼯鼯似鼠而小東方朔曰鼯猶鼯鼯之襲狗者也。博物志鼠最小者或謂之甘鼠口甘為其所食者不覺也。兩航雜錄鼯鼠在樹上各甘口鼠嚙物時不痛而甚毒亦名林鼠。爾雅疏鼯鼠者郭云今江東山中其鼠狀如鼠而蒼色在樹木上。爾雅鼯鼠身長須而賊秦人謂之小鼯註鼯似鼠而馬蹄一歲半斤為物。神異錄北方層冰萬里厚有丈有候鼠在冰下土中其形如鼠食草木肉重千斤可以作脯食之已熟

其毛八尺可以為褥臥之却寒其皮可以蒙鼓聲聞十里其毛可以來鼠此尾所在鼠聚今江南鼠食草木為災此類也。爾雅疏鼯鼠者大戴禮云田鼠者鼯鼠也鼯是類裹藏食之名鼠若此者因名。羣芳譜田鼠大頭似兔尾有毛青黃色生田中俗所謂地鼠也。山海經丹重之山有獸其狀如鼠兔首鹿耳其音如獐犬以其尾飛名曰飛鼠。埤雅鼯鼠爾雅所謂鼯鼠夷田狀如小狐肉翅翅尾項脊毛皆紫赤色脚短爪長飛且乳者亦或謂之飛生一名飛蠶其狀如兔而鼠首以其鬣飛性食火州能從高赴下不能從下升高。荀子鼯鼠五技能飛不能上差能緣不能窮木能浮不能渡谷能

穴不能掩身能走不能先人〔際幾雜誌〕可馬君實侍  
先君知鳳翔府竹園中得一物如蝙蝠巨如大鷓莫有  
識者自山西來者云此鼯鼠也一名飛生飛而生子每  
欲飛則緣樹至顛能下不能高〔彙苑詳註〕晨鼯曉吟  
則百嶺齊應〔談藪〕山中大木上多趨鼠虎過其下鼠  
必鳴噪自拔其毛投虎身著處則生蟲徧身蒼爛以至  
乎死〔宣州志〕晉宣城有一物大如水牛皮色庫脚脚  
類象胸前尾上皆白爪力而遲鈍到城下郭璞筮之名  
之曰鼯鼠〔山堂肆考〕鼯大鼠也聲若犬吠〔埤雅〕鼠  
一名鼯南陽呼鼠為鼯〔廣雅〕曰鼯鼠是也〔爾雅〕烏鼠  
河穴其鳥為鼯其鼠為鼯〔郭註〕鼯如人家鼠而短鼠與

鳥共為雌雄〔異苑〕唐鼠形如鼠稍長青黑色腹邊有  
餘物如腸時亦汚落亦名易腸鼠昔仙人唐叻投宅升  
天雞犬皆去唯鼠墜下不死而腸出數尺三年易之俗  
呼為唐鼠城固川中有之〔博物志〕唐公房舉宅升仙  
惟鼠惡其不淨不將去鼠自悔一月三吐易其腸東廣  
徽所謂唐鼠〔交州記〕竹鼠形如小貓食竹根出封溪  
縣〔食物本草〕鼠食竹根居土穴中大如兔人多食之  
味如鴨〔物類相感志〕竹鼯出房陵其狀若鼠而空食  
竹根大於家鼠入或刺入肉不出者掘而烹之最肥美  
其刺消出蓋其食竹而消竹毒〔王氏見聞〕竹獮者食  
竹之鼠也生於深山溪谷竹林之中無人之境非竹不

食巨如野狸其肉肥脆出民重之每發地取之甚艱岐  
梁睚眦之年秦隴之地無遠近巖谷之間此物爭出投  
城隍及所在民家或穿墉壞城域自門闕入犬食不盡  
則並入人家房內秦民之口腹飫焉 〔蟬史〕浙東衢州  
出竹鼯大如圓瓢多膏中燄土人珍之好伏土底食竹  
根未嘗見日形似家鼠蒼色尾短如兩粒米許目細而  
長前足不分指爪乃一片者後足微有爪指人掘得之  
匍匐不能走蓋脚短不便故也 〔格物總論〕食竹根鼠  
腰腹大如盜所在深山有之 〔尸子〕松柏之鼠不知堂  
密之有美燠 〔田家雜占〕鐵鼠其臭可惡白日銜尾成  
行而出主雨 〔蟬史〕鼯鼠一名土鼠無目黑色穿土而

行天將雨則鳴行必成羣銜尾魚貫而進以日警懼則  
蹶也身臭雖狗犬亦不食之 〔格物論〕家鼠多藏於瓦  
下晝伏夜動最爲人所憎疾者皆陰類鬼物也 〔彙苑〕  
〔詳註〕水鼠入水不溺捕魚而食東海有之 〔蟬史〕水鼠  
生水中不入人家俗云直蛇橫鼠蛇好順流而行鼠好  
橫流而渡也 〔事物紀原〕海鼠大如豕目赤重百斤或  
四五百斤亦畏貓鼠大如兔鷲鳥捕食之出西番香  
鼠大僅如犖穴柱內行地中疾如箭 〔廣志〕苗鼠野鼠  
也小而短尾天鼠以皮爲裘今名爲天鹿裘黃鼠在川  
野間爲羣害穀麥善走凡狗不能得惟狼能得之 〔宋〕  
〔史〕五行志淳熙五年八月淮東通泰高郵黑鼠食禾

魏略大秦國出辟毒鼠狀甚大若鼠所到百毒蟲奔竄絕迹舊唐書蜀賓國武德十六年獻褥特鼠喙大而尾赤能食蛇有被蛇螫者鼠輒嗅而尿之其瘡即愈書境錄南使至北見畢每賜毘黎那十頭毘黎那大鼠也齊東野語契丹國產大鼠曰毘狸形如犬而足短又名北令邦以其肉一臠置之食物之鼎則立見糜爛性畏日為隙光所射輒死體極肥續墨客揮犀毘狸如鼠而大穴居食果穀味若純而脆澠水燕談契丹國產毘狸以為殊味穴地取之以供國主之膳公相以下不得嘗常以羊乳飼之頃北使嘗獲至京烹以進御真珠船毘狸余意即今西北邊所謂塔刺不花者也

一名大黃鼠一名土撥鼠味甘無毒煮食宜人生山後草澤中北入掘取以食雖肥煮則無油湯無味神異經南方有火山長四十里生不燼之木晝夜火然得暴風不熾猛雨不滅火中有鼠重百斤毛長二尺餘細如絲恒在火中洞赤時出外而色白以水逐沃之即死取其毛織以作布用之者垢汙以火燒之即清潔也古今注火鼠入火不焚毛長丈許可為布所謂火浣布者是也嶺表錄異紅飛鼠多出交趾及廣管隴州皆有探毛茸茸然唯肉翼淺黑色多變伏紅蕉花間採捕者若獲一則其不去南中婦人買而帶之以為媚藥物類相感志赤頭鼠關婆國出龍腦香樹香出樹腹中

有福取得油其樹葉卽化爲鼠或飛或行頭赤可怪  
抱朴子內篇玉策記稱鼠三百歲滿一百歲者  
則色白善憑人而卜名曰仲能知一年中吉凶于里外  
事也靈鬼志南平國蠻兵義熙初隨衆來姑熟便有  
鬼附之聲啾啾細長或在簷宇之際或在庭樹上若占  
吉凶輒先索琵琶隨彈而言俗語云是老鼠所作名曰  
鬼侯太平廣記吳興姚察少時宿於人家夜聞一人  
呼曰幼卿曰諾一人曰幼卿視我豈殺人者哉令人欲  
藥我我不能藥人乎旣去察異之因效其聲呼曰幼卿  
曰諾曰與而語者何人也曰陳二公公卽鼠也察曰而  
何人答曰我牀頭鑊面盆也今人呼鑊面盆爲幼卿鼠

爲陳二公由此也河東記李知微夜遊文成宮月微  
明見數十小人聚立古槐下一日西關舍人一日殿前  
錄事一日司文府史一日南宮書佐一日馳道都尉一  
日司城主簿一日遊佃使者一日東垣執戟言訖相引  
入穴而去明日掘視之乃鼠也廣博物志晉太康中  
會稽縣彭蠡及羊皆化爲鼠列異傳北地傳尚書小  
女嘗折荻作鼠以狡獪放地荻鼠忽能行徑入戶眼土  
中又折荻更作呪之云汝若爲家怪者當更行不者不  
動放地便復行如前卽掘限內覓入地數尺了無所見  
後諸女相繼喪亡搜神記漢昭帝无鳳元年九月燕  
有黃鼠銜其尾舞王宮端門中王往視之鼠舞如故王

使吏以酒脯飼鼠舞不休一日一夜死京房易傳曰誅  
不原情厥妖鼠舞門集異志魏齊王正始中中山王  
周南爲襄邑長有鼠從穴出語曰王周南爾某日死  
周南不應鼠還穴後至期更冠幘阜衣出語曰周南爾  
日中當死又不應鼠復入穴斯須更出語如前日適欲  
中鼠入須臾復出出入轉更數語如前日適中鼠曰周  
南汝不應我更何道言絕顛蹙而死卽失衣冠取視具  
如常鼠時曹爽專政競爲比周故鼠作變也孔安國  
李林甫將病一日取書囊訝其重開而視之乃一大鼠  
躍出化爲蒼犬怒目張牙仰視林甫乃以物擊之應手  
而斃林甫惡之月餘而卒宋高僧傳釋善無畏至烏

萇國有白鼠馴逸口獻金錢異苑西域有鼠大如狗  
中者如兔小者如常大鼠頭悉已自然帶以金柳南作  
有經過其國不先祈祀者則齧人衣裳也得沙呪願更  
獲無他釋道安昔至西方親見如此

格致鏡原卷八十八終

格致鏡原卷八十九

獸類

諸獸

爾雅西方有比肩獸焉與叩叩叩虛比為叩叩叩虛叩甘草即有鄰叩叩叩虛負而走其名謂之蟹註呂氏春秋曰北方有獸其名為蟹鼠前而兔後趨則顛走則顛然則叩叩叩虛亦宜鼠後而兔前前高不得取甘草故須蟹食之今鴈門廣武縣夏屋山中有獸形如兔而大相負共行土俗名之為蟹鼠  
庶物異名疏山海經平邱有素獸如馬曰蚤蚤郭璞曰即蚤蚤巨虛也一走百里尸子曰距虛不擇地而走急就注似馬而有青色一



曰距虛似羸而小孫子曰北方有獸名蹶前足鼠後足  
兔食得甘草必齧以遺蛩蛩距虛蛩蛩距虛見人將來  
必負蹶以走蹶非性心愛蛩蛩距虛也為假足也二獸  
者亦非性心愛蹶也為其得甘草而遺之也沈括謂蹶  
亦曰蛩蛩巨虛劉勰曰蛩蛩巨虛其實一獸曰其詞煩  
分而為二袁孝政注云蛩蛩前足長巨虛後足長其獸  
出鴈山見人即巨虛負蛩蛩而走諸說不同錄以並考  
通志昆蟲爾雅曰驪如馬一角不角者驪驪音攜  
郭云元康八年九真郡獲一獸大如馬一角角如鹿茸  
此即驪也今深山中人或見之亦有無角者 山海  
經隄山有獸焉其狀如豹而文身名曰豹

其狀如麋羊而四角馬尾而有距其名曰驪善還驪旋舞  
也其鳴自訃甘棗之山有獸焉其狀狀音鼠而文題其  
名曰韃音食之已癯中興之山有獸焉其狀如馬而白  
身黑尾一角虎牙爪音如鼓其名曰駮是食豹可以禦  
兵踰次之山有獸焉其狀如禺而長臂善投名曰鬻黃  
山有獸焉其狀如牛而蒼黑大目其名曰犛音玉山有  
獸焉其狀如犬而豹文其角如牛或作羊其名曰豸其音  
如吠犬見則其國大穰晉太康七年鄆陵扶夷縣得  
脚時人謂之豸豸非此即公之山有獸焉其狀如龜而白身赤頭  
名曰鱗是可以禦火釐山有獸焉名曰獬音其狀  
如獬犬而有鱗其毛如旒鬣依韜之山有獸焉其狀如

大虎爪有甲其名曰狨善駛食者不風樂馬之山有

獸焉其狀如彙赤如丹火其名曰狨見則其國大疫扶

豬之山有獸焉其狀如貉而人目或作其名曰寧音

或作猶獸名優屬與通亦獸名象屬此二獸進退多疑人多

疑惑者似之故謂之猶與說文獒類犬鬻以上散腰

以下黑食母猴儀禮在國中射樹皮注樹獸名謂皮

作樹形以射之述異記南康郡有君山高秀重疊有

類臺榭名曰女媧宮有獸名格似猩猩之形周知吉凶

人無機愛之則可馴狎欲執害之則去不來庶物異

名疏畢音獸名狀如狗有角文身五彩司馬彪云音

義疏魚獸似豬東海有之一名魚狸其皮背上斑文腹

下純青今以為弓鞬步又者也其皮雖乾燥以為弓鞬

矢服經年海水將潮及天將雨其毛皆起水潮還及天

晴其毛復如故雖在數千里外可以知海水之潮氣自

相感也蘇鶚演義蟲者海獸也漢武帝作柏梁殿有

上疏者云蟲尾水之精能辟火災可置之堂殿今人多

作蟲字宋書麟者幽隱之獸也有明王則來為時辟

除災害通志昆蟲豎贊有力郭璞云西海大秦國有

養者似狗多力獷惡物類相感志獬獸出江南武林

山狀如獅子蒼黑色常瞑目聳耳一足攀林杪若猿猴

輩逢之雖多羣輒不能動皆叩頭久則推一猴與食之

各文鏡秘府論卷之九 獸類 諸獸

去則羣走而竄伏終日矣。楊慎外集石獬俗名尖孫  
食猴者。庶物異名疏石穀似猪而形短常捕取猴猿  
見風土記。物類相感志。獬獸出海中以髓入油中其  
油沾水水中火上不可救止用酒噴之即滅。慎於屋下  
藏之。彙苑詳註。禹似獬猴而大赤目長尾善走出鵲  
山。經史直音。獬獸名似犬有文故從文也。黃哀海  
語。獬獸名出暹羅之囉隴短小精悍目圓精黃木食如  
猿。猿古樾蒙密者率數十巢山居夷獠畜之備驅使蒙  
以做絮飲以醕酒食以鯁鮫輒喜舉族受役至死不避  
嘗令人山采鶴頂象齒犀角皆如期而獲輸其主雖宅  
外奪之必不與。舶人編竹為籠置獬所往來之徑機取

之以獻夷王。王衣獬以番綿飼獬以嘉實。獬以非其主  
終不附。稍近烟火淚目而死。山海經北海內有青獸  
焉狀如虎名曰羅羅。踴音敏隅之山有獸焉其狀如牛而  
馬尾名曰精精。空系之山有獸焉其狀如牛而虎文其  
音如欽其名曰輪。輪見則天下大水有獸焉其狀如蜂  
枝尾而反舌善呼其名曰文。檀山有獸焉其狀如馬  
而羊目四角牛尾其音如狔狗其名曰崱崱。見則其國  
多狡客。泰山有獸焉狀如豕有珠名曰狷狷。其名自訛  
霍山有獸其狀如狸而白尾有鬣名曰肫。肫養之可以  
已憂。白澤圖。賈肫干歲木精狀如豚食之味如狗  
山海經蛇山有獸焉其狀如狐而白尾長耳名狹。狼見

則國內有兵。誰水有獸焉。其狀如豹而赤。豪其音如橛。橛其名曰孟槐。可以禦凶。石者之山有獸焉。其狀如豹而交。題白身。名曰孟極。是善伏。其鳴自呼。邊春之山有獸焉。其狀如禺。而有鬣。牛尾。文臂。馬蹄。見人則呼。名曰足訾。其鳴自呼。符禺之山。其獸多蔥。其狀如羊。而赤鬣。小次之山。有獸焉。其狀如猿。而白首。赤尾。各異。未厭。見則大兵。崇吾之山。有獸焉。其狀如禺。而文臂。善按。名曰舉父。尸胡之山。有獸焉。其狀如麋。而魚目。名曰娑胡。扭陽之山。有獸焉。其狀如馬。而白首。其文如虎。而赤尾。其鳴如謠。其名曰鹿蜀。佩之宜子。佩其皮也。凡山有獸焉。其狀如彘。黃身。白頭。白尾。名曰闍。見則天下大風。鮮山。

有獸焉。其狀如獬。大赤喙。赤目。白尾。見則其邑有火。名曰移。卽北嚳之山。有獸焉。其狀如虎。而白身。犬首。馬尾。蠶鬣。名曰獨裕。梁渠之山。其獸多居。暨其狀如彘。而赤毛。其音如豚。歷石之山。有獸焉。其狀如狸。而白首。虎爪。名曰梁渠。見則其國有大兵。倚帝之山。有獸。其狀如獸。鼠白耳。白鬣。名曰狙。如見則其國有大兵。餘襄之山。有獸焉。其狀如菟。而鳥喙。蛇尾。見人則眠。併死也。名曰狁。徐北嶽之山。有獸焉。其狀如牛。而四角。人目。鏡耳。其名曰諸懷。音如鳴。鴈。昆吾之山。有獸焉。其狀如彘。而有角。其音如號。名曰蠶蜮。法嶽之山。有獸如大人。面各山。儻善。投見人。則笑。行如矢。激見則天下大風。豐山。有獸焉。其

狀如後赤目赤喙黃身名曰雍和見則國有大恐鹿吳  
之山注於傍水水有獸焉名曰蠱雕天帝之山有獸焉  
狀如狗名曰鷄邊席其皮者不蠶欽山有獸焉其狀如  
豚而有牙其名曰當康其鳴自叫見則天下大穰敖岸  
之山有獸焉狀如白鹿而四角名曰夫諸見則其邑大  
水柜山有獸焉其狀如豚有距其音如狗吠其名曰狸  
力見則其縣多土功長右之山有獸焉其狀如禺而四  
耳其名長右其音如吟見則郡縣大水灌漑之山有獸  
焉其狀如牛而白尾其音如訃名曰那父堯光之山有  
獸焉其狀如人而彘鬣穴居而冬蟄其名曰得襄其音  
如跽水見則縣有大繇苦山有獸名曰山管其狀逐郭云

即豚赤若丹火善響帶山有獸名曰權音疏如馬一角  
有錯可以奔火陽山有獸名曰領如牛而赤尾其頸  
鬣狀如勾鬣其鳴自談食之已狂鼻塗之山有獸如鹿  
而白尾馬足名曰猓如爾雅闕洩多狂疏闕洩獸名  
其脚多狂狂指也高誘呂覽注堂祥不庭岐母羣抵  
天翟昔獸名燕物異名疏述蕩獸名覽述蕩之擊高  
誘曰擊踏也威夷力弱獸也爾雅威夷長脊而泥泥弱  
也步弱少才力也時善好登山擊之獸爾雅曰時善藥  
嶺王林賦格蝦蛤鋌猛氏注蝦蛤猛氏皆獸名今蜀  
中有獸狀如熊而毛淺有光澤名猛氏郊祀志祠黃  
帝用一梟破鏡孟康注破鏡獸名食父黃帝欲絕其類

使百吏遍皆用之破鏡如狸而虎眼蜀地志黃腰一  
名墾微一名虔已聽身狐首生子長大羣逐其母令不  
得飲將有所求而易先此獸則不得矣山堂肆考黃  
巢谷在漢中府金州牛山唐末黃巢作亂太白山人謁  
金州刺史云請掘此谷則賊自敗掘之得一石桶上有  
一劍中有黃腰獸獸見劍自撲而死後巢果敗李善  
文選注蒲牢長鯨每食於海畔鯨躍之蒲牢則鳴聲如  
鐘今人多作蒲牢之形於鐘經史直音釋西方獸  
名也物類相感志却塵獸出勾驪國其獸毛色殷鮮  
光軟無比剝其皮合毛為褥則塵埃無犯唐有却塵埃  
是也南臺傳室列佛逝有獸類野豕角如山羊名

日零肉味美以饋膳天中記獨步獸出良州形如獅  
子頭尾虎豹文身黃一角行有意氣故名獨步食草木  
可以辟羣魅百感錄西北有獸類黃鼠而短喙無目  
性狡善聽聞人足音輒逃匿有時誤聞他聲驚惶奔竄  
土人呼為瞎撞本草陳藏器曰骨獅獸生西番突厥  
國胡人呼為阿慈勃他似狐而大長尾物類相感  
志梳雷波出自然山身青色一角兩枝食草木實能辟  
精魅緇珠舍利孫黃黑色其皮可裘出女直庶物  
異名疏阿塔必即者馬人兒國獸名至元中遣使進元  
世祖似驪而巨毛黑白間錯蓋奇獸也

異獸

山海經開明身大類虎而九首皆人面東嚮立崑崙上  
葬璞注天獸也 [上林賦]射遊臯樂飛邊張揖注飛遠  
天上神獸鹿頭龍身 [孫氏瑞應圖]周匝宋書神獸也  
知星宿之變化王者德盛則至 [莊子]西北方之下者  
則決陽處之 [注]決陽豹頭馬尾一作狗頭 [淮南子]歸  
終知來 [注]歸終神獸 [天問]魁音堆焉處 [注]魁堆奇獸  
也 [陸綬海賦]圖馬銜當蹊其狀馬首一角而龍形  
山海經天吳在重重北兩水間八首人面八足八尾皆  
青黃一曰虎身十尾 [路史]神農時白民進藥獸人有  
疾病則撫其獸語之語畢獸輒如野外銜一草歸搗汁  
服之即愈虞卿曰黃帝師藥獸而知醫 [黃帝內傳]帝

巡狩東至海登桓山於海濱得白澤神獸能言達於萬  
物之情問天下鬼神之事自古精氣為物遊魂為變者  
凡萬一千五百二十種白澤言之帝令以圖寫之以示  
天下帝乃作辟邪之文以示之 [玄池子說]林少皞出  
野遇一獸牛首而人身驚告皇娥娥曰昔余聞之帝子  
牛首人身其名師純見之者百福晉臻 [十洲記]聚窟  
洲有辟邪天祿 [瑞應圖]天鹿者神靈獸也如牛身坡  
肉甲五色光輝洞明王者道脩則至 [漢書西域傳]烏  
弋地有桃拔 [孟康注]桃拔一名符拔似鹿長尾一角者  
或為天鹿兩角或為辟邪似虎正黃有鬣尾端茸毛  
大如斗 [後漢書]章帝章和元年安息國遣使獻符拔

格致通原卷下 獸類 異獸

形似麟而無角。〔名義考〕桃拔符拔當作桃蔽符蔽以是獸能被除不祥也。蔽誤作拔曰桃曰符者猶度朔山桃梗之意。蔽除不祥故謂之辟邪。末綏百祿故謂之天祿。漢立天祿于閣門。古人置辟邪於步搖上皆取蔽除末綏之意。〔沈氏筆談〕至和中文獻麟如牛而大通身皆大鱗首有一角考之記傳與麟不類。當時有謂之山犀者然犀不言有鱗以予觀之殆天祿也。後漢書中平三年鑄天祿蝦蟆於平津門外。注云天祿獸名。今鄧州南陽縣北宗資碑旁兩獸鑿其膊一曰天祿一曰辟邪。元豐中予過鄧境聞此石獸尚在使人墨其所刻天祿辟邪字觀之似篆似隸其獸有角鬣大鱗如手掌甚

類交趾所獻異獸知其必天祿也。〔真珠船〕大明會典三品碑蓋用天祿辟邪人多不知爲何物天祿一作天鹿一作天麋考工記鳧氏鐘縣謂之旋注今時旋有尊熊盤龍辟邪疏漢法鐘旋之上以銅篆作樽熊及盤龍辟邪辟邪亦獸名古法亦當然也。〔宋書〕角端者日行萬八千里又曉四夷之語明君聖主在位明達方外幽遠之事則奉書而至。〔元史〕元太祖提兵回回與速不剌追至印度國鐵門關侍關見一獸高數百丈鹿形馬尾綠毛而角熊爲人言曰此非帝世界汝主宜早還左右皆震懼耶律楚材曰此獸各角端乃旄星之精蓋上天惡殺遣之以告陛下也且此獸靈異如鬼神不可犯



願承天心者此數國人命元生即日班師  
入泰山遇一物如獐頭若婦人髮髻簪耳悉具歸告智  
瓊瓊曰此方輝也五百年一見見者壽茲超果二百餘  
歲  
物類相感志天  
麟音大如狐赤白色尾大有君臣  
父母兄弟之別行次老少食必相讓俗云天惡虎狼殘  
獸相侵生獸師以教之凡見獸必教之教之不可哀鳴  
而去天曉相率號高峰之上或曰獸師教獸不得號訴  
於天也  
天中記招賢獸出摩伽陀國性善不干人形  
如獅子若國人見良賢相訪則出現  
庶物異各疏草  
上飛西番獸王也齋乘曰形大如犬身似斑貓性純不  
惡獅豹等獸見之即伏於地仁愛此獸不惡而嚴  
集

韻抵挽二獸各秉心甚靈蓋忠直獸也今華表頂上  
是拾遺記岱與有獸名嗽月形似豹飲盞泉之液食  
銀石之髓此獸夜噴白氣其光如月可照數十畝軒轅  
之世獲焉瀛州有獸名嗅石其狀如麒麟不食生卉不  
飲濁水嗅石則知有金玉吹石則開金沙寶璞案前可  
用  
鄭氏姻禮謂文贊舍利舍利一作爲獸廉而能謙禮義  
乃食口無譏譽  
西京賦舍利舍利應化爲仙車注舍利  
獸名性吐金  
吹景集漢昏禮中紀舍利受福二獸解  
云舍利獸廉而謙受福獸體恭心慈此大禹山經所未  
載按蔡質漢儀云正月旦天子作九賓徹樂舍利從西  
方來戲於庭極乃畢入殿前激水化爲比目魚隋書音

格致鏡原卷之九 獸類 異獸

樂志云大業二年逆四方散樂大集東都有舍利獸先  
來跳躍激水滿衢云云小本彌陀云鸚鵡舍利蔬稱梵  
語舍利此云鷲鷲則舍利復是羽族矣受福不見龜書  
惟南齊志云玉輅漆畫輪受福輅又云金塗受福望龍  
諸校飾又云榮戟織成衣金塗沓駐及受福晉張敞東  
宮舊事云皇太子納妃有銀龍頭受福蓮華鈎鑲四副  
則江左玉輅銀鈎猶有此製此獸不知作何形模唐以  
後不復聞矣吳書諸葛恪爲丹陽太守出獵兩山之  
間有物如小兒伸手欲引人恪命伸之乃引去故地印  
死叅佐問故恪曰此事在白澤圖名曰僊囊諸君偶未  
見耳洞冥記翁韓國獻飛獸狀如鹿青色以寒青

之絲爲繩繫之及死帝惜之而不瘞掛於死門皮毛皆  
爛朽惟骨色猶青時人咸知其神異更以繩繫其足往  
視之惟見所繫處存而頭尾及骨皆飛去十洲記炎  
州在南海中地方二千里去北岸九萬里上有風生獸  
似豹青色大如狸張網取之積薪數車以燒之薪盡而  
獸不然灰中而立毛亦不焦斫刺不入打之如灰囊以  
鐵鎚鍛其頭數十下乃死而張口向風須臾復活以石  
上菖蒲塞其鼻卽死取其腦和菊花服之盡十斤得壽  
五百年嶺南異物志風狸如猿猴而小晝日踈伏不  
能動變則驚躍甚疾好食蜘蛛毒打殺以口向風復活  
惟破腦不復生矣以酒浸愈風病南人得傳云此獸常

持小杖遇物則指飛走悉不能去人有得其杖者所指  
必有獲夷人施罟網既得其獸不復見其杖杖之數百  
乃肯爲人取或云邕州首領寧泗得之泗資產巨萬僮  
伎數百泗甚秘其事南州異物志風母獸一名平猴  
狀如猴無毛赤目若行逢人便叩頭似懼罪自乞人若  
搥打之慙然死地無復氣息小得風吹須臾能起停  
驂錄南海中有殼焚洲有獸名狇狇狀如水獺其頭身  
以他處了無毛惟從鼻上竟脊至尾廣寸許有毛青色  
長三四分土人捕得之投烈火中薪盡而此獸不傷  
異經無損南方之獸如鹿豕頭有牙鹿尾善依人求  
五穀割取肉不病肉自復其肉惟可作鮮使穡肥美而

鮮肉不壞谷不人糝盡更燥肉復作鮮如初愈美名曰  
不盡鮮癸辛雜志西域有沙海正據要津其水熱如  
湯不可向通終古未嘗通中國忽一夕有巨獸浮水面  
至其骨長數十里橫於兩浹如津梁然骨中有髓竅可  
容盆馬於是西極之地始通中國其國譯往來者每以  
膏油塗其骨令潤懼其枯朽摧折則無復可通故耳  
陶潛詩刑天舞于戚猛志故常在注刑天獸名口中好  
銜干戚而舞太平廣記禍斗狀如犬而食火糞復爲  
火能燒人屋周書王會篇區陽以鼈封鼈封者若鼈  
前後有首山海經屏蓬出大荒山中左右有首一曰  
并封狀如鼈前後皆有首黑郭璞注屏蓬卽并封語有

輕重也 荆州記武陵郡西有獸如鹿前後有頭常以

一頭食一頭行 山海經南海之外赤水之西流沙之

東有獸左右有首名曰毳毳有三青獸相并名曰雙雙

相并言體合為一也洵山有獸焉其狀如羊而無口不可殺也

稟然其名曰毳秦山有獸焉其狀如牛而白首一目而蛇

尾其名曰蜚行水則竭行草則死見則天下大疫翼望

之山有獸焉其狀如狸一目而三尾名曰謹其音如奪

百聲是可以禦凶服之已瘳秦戲之山有獸名曰獫狁

如羊一角一目目在耳後其鳴自訃基山有獸焉其狀

如羊九尾四耳其目在背其名曰獬豸佩之不畏單張

之山有獸焉其狀如豹而長尾人首而牛耳一目名曰

諸犍善吒行則銜其尾居則蟠其尾 庶物異名疏

出流波山如牛蒼身而無角一足出入水必風雨其光

如日月其聲如雷黃帝得之以其皮為鼓厥以雷獸之

骨聲聞五百里以威天下 爾雅無前足 註晉太康

七年名陵扶夷縣樞得一獸似狗豹文有角兩足即此

種類也或說似虎而黑前無兩足 晉書武帝太康

六年南陽獻兩足猛獸此毛虫之孽也 拾遺記因堉

國獻五足獸狀如獅子玉錢千縷其形如環環重十兩

上有天壽永吉之字問其使者五足獸是何變化對曰

東方有解形之民使頭飛於南海左手飛於東山右手

飛於西澤自臍以下兩足孤立至暮頭還肩土兩手過

疾風颯於海外落玄洲之土化為五足獸則一指為一足也其人既失兩手使傍大割裹肉以為兩臂宛然如舊也因堉國在西域之北送使者以鐵為車輪十年方至  
[山海經] 桐狀之山有獸焉其狀如犬六足其名曰從從  
[述異記] 封微山中有怒毛獸若不噴毛短三寸若噴毛長三尺  
[劉晝新編] 寒土有獸其名豹生角當心俯而磨之憤心而死  
[山海經] 章莪之山有獸焉其狀如赤豹五尾一角其音如擊石其名如淨  
[事物紀原] 珠獅如狸五尾能作百種聲  
[山海經] 耿山有獸焉其狀如狐而魚翼其名曰朱獮見則其國有恐始逢之山有獸焉其狀如狐而有翼其音如鴻雁其名曰微獮見

則天下大旱崦嵫之山有獸名曰孰湖馬身鳥翼人面蛇尾是好舉人  
見人則抱馬成之山有獸焉其狀如白犬而黑頭見人則飛其名曰天馬  
[張端義貴耳集] 宮禁中有物曰猶塊然一物無頭眼手足毛如漆夜有聲如雷禁中人皆云猶來微廟亦避之或往諸嬪妃榻中以手撫之亦溫煖將曉莫知所在或云朱溫之厲所化  
[岳瀆經] 禹導淮獲巫支祈形如獼猴縮鼻高額青軀白首金目雪牙頸伸百尺力踰九象命庚辰搏擊騰趙疾利倏忽視不可久授之庚辰庚辰以戰遂去項頸大械鼻穿金鈴徙之淮陸龜山之足淮水乃安  
[郭氏異物志] 昔建州浦城縣山有獸名駭神豕身人首狀貌醜惡百

鬼惡之好出水邊石上張平子往寫之獸入水中不出  
 或云此獸畏寫之故不出遂去紙筆獸果出乎子拱手  
 不動潛以足指畫之今號巴獸潭 〔彙苑〕野婆南丹獸  
 名黃髮椎髻跣足裸形儼然一婦也其羣皆雌無匹偶  
 上下山谷如飛自腰以下有皮蓋膝每遇男子必負去  
 求合喜盜人子女復至其家窺伺之其家知為所盜大  
 罵則挾以還之嘗為健夫所殺至死以手護腰間剖之  
 得印方寸瑩若蒼玉字類符篆不可識蓋目然之文也  
〔海錄雜事〕嶺南有一足反踵手足皆三指雄曰山丈  
 雌曰山姑夜扣人門雄求金繒雌求脂粉 〔神異經〕西  
 南荒中出訛獸其狀若菟人面能言常欺人言東而西

言惡而善其肉美食之言不真矣 〔神異經〕德獸名刑  
 如獅子北方大荒中所出咋人則疾名曰慙慙者恙也  
 食人蟲也善食人心上古之時嘗入人室屋黃帝殺之  
 故今人無憂疾謂之無恙蓋取此義 〔迷異記〕陳倉人  
 有得異物者其形不類豬亦不似羊衆不能名忽有二  
 童子至云此名媼常在地下食死人腦若欲殺之相葉  
 插其頭又名橫弗述 〔神異經〕崑崙崙崙西有獸其狀如犬  
 兩目而不見兩耳而不聞有腹而無五臟有腸直而不  
 旋食而徑過人有德行而往抵牾之人有凶惡而往依  
 憑之天使其然名曰渾沌一名無耳一名無心空居無  
 常咋尾回轉向天而笑 〔爾雅〕翼引帝西方荒中有獸焉

神異經 吳賦

七

其狀如虎而大毛長三尺人面虎足豬口牙尾長一丈八尺攪亂荒中名檮杌一名傲狼一名難訓西北有獸其狀似虎有翼能飛便勦食人知人言語聞人鬪輒食直者聞人忠信輒食其鼻聞人惡逆不善輒殺獸往饋之名曰窮奇山海經封山有獸狀如牛而鬣毛名曰窮奇音如狗嗥是食人郭注一名神狗山海經鉤吾之山有獸狀如羊身人面其目在腋下虎齒人爪其音如嬰兒名曰狗鵝是食人注左傳所謂饕餮是也像在夏鼎呂先謙周鼎著饕餮有首無身食人求咽害及其身庶物異名疏鑿齒獸名服虔曰鑿齒五尺齒似鑿食人山海經剡山有獸名曰合巖如鼯人面黃身

而赤尾音如嬰兒是食人亦食蟲蛇見則天下大水少咸山有獸狀如牛而赤身人面馬足名曰窳窳其音如嬰兒食人鹿吳山澤更之水南流注於滂水有獸名蟲雕狀如雕有角音如嬰兒能食人蔓藁之山有獸焉勿曰馬腹其狀如人面虎身其音如嬰兒是食人鰲山有獸焉其狀如牛蒼身其音如嬰兒是食人其名曰犀渠有獸焉其狀如狼赤首鼠目其音如豚名曰獨狽是食人浮玉之山北望具區東望諸昆有獸焉其狀如虎而牛尾其音如吠犬其名曰彘是食人北嶽之山有獸焉其狀如牛而四角人目彘耳其名曰諸懷其音如鳴雁是食人三危之山有獸焉其狀如牛白身四角其毫如

披叢其名曰獬豸是食人  
十洲記征和三年武帝幸  
安定月支國獻猛獸一頭形如五六十日犬子大似狸  
而色黃羸細禿粹帝使使者令猛獸發聲試聽之使者  
乃指獸命喚一聲獸舐脣良久忽叫如天大雷霹靂又  
兩目如礮礮之交光光朗衝天良久乃止帝顛蹶掩耳  
震動不能自止侍者及武士虎賁皆失仗伏地諸內外  
牛馬豕犬之屬皆絕絆離繫驚駭放蕩久許咸定帝息  
之因以此獸付上林苑令虎食之虎聞獸來相聚屈積  
如死獸入苑徑上虎頭溺虎口去十步已來顧視虎虎  
輒閉目帝恨使者言不遜欲收之明日失使者及猛獸  
所在致虛閣雜俎西域有獸如犬含水啜馬目則馬

眼眩欲死故凡馬皆畏之各曰馬見愁

卷九十一 水族類一

龍總論

詳類

化龍

蛟附虬

螭

卷九十一 水族類二

魚總

金魚

嘉魚

鯉魚

鮪

魴

格致鏡原卷八十九終

格致鏡原卷八十九

獸類

異獸

七



格致鏡原

卷九十一 水族類一

龍總論 詳類 化龍 蛟附虬 螭

卷九十一 水族類二

魚總 金魚

嘉魚 鯉魚

鮪 魴

鰱 鱖

白魚 青魚

鱸殘魚 銀魚

鱖 鱒

各文書目 水族類

鯨

鱒

鱧

鰻

鯀

卷九十二 水族類三

石首

鯊

鱸

鮓

鮒

鯉

鱖

土附

鱗

鱒

鱣

鮠

鯊

鱣

鯧

章魚

鮓

吹沙魚

鰲

卷九十三 水族類四

鯨

鯢

各種魚

卷九十四 水族類五

鼈

魚

烏鰂

比目魚

河豚 附江豚

鱖

鱗

鱣

諸異魚

鱣

鼈

鼉

鼉 總論 各類 鼉異

龜 總論 詳類

附見

別名

卷九十五 水族類六

蟹 總論 別名 各類

鯪 總論 各類

螺 總論 詳類 附寄居

蚌 總論 詳類

蜃

蛤 總論 詳類

車螯

牡蠣

鰕魚

蚶 附蜆

諸介族

諸水族

格致鏡原卷九十

水族類一

龍

總論

易震為龍

說文鱗蟲三百六十而龍為之長

能幽能明能細能巨能短能長春分而登天秋分而入淵  
 春秋元命苞龍之言萌也陰中之陽故龍舉而雲興  
 管子龍雲於水被五色而游故神欲小則化如蠶蠋欲大則藏於天下欲上則凌於雲氣欲下則入於澗泉  
 伊川語錄龍為陰物出則濕氣蒸然成雲抱朴子山中長日稱雨師者龍也管子蛟龍水蟲之神者也乘於水則神立失於水則利廢故曰蛟龍得水而神

可立也。〔埤雅〕酈元水經云魚龍以秋日為夜按龍秋分而降則蟄寢于淵龍以秋日為夜豈謂是乎龍亦卵生思抱雄鳴上風雌鳴下風而風化。〔珍珠船〕四分律文中諸龍初生時睡時噴時行欲時不能變形餘時皆能變形。〔皎然集〕房瑄嘗脩學終南山谷中忽聞聲如戛銅器之韻問父老云此龍吟也不久雨至矣瑄望之冉冉雲氣游漫果驟雨作白爾再聞徵驗不差後將赤金鉢裏之謂為龍吟。〔容退紀談〕人食砒霜而死龍食之而肥。〔五雜俎〕龍潛水中以虎頭投之則必驚怒鯨騰淘出之乃已。〔南史〕或謂江淮多蛟龍能乘風雨決壞崖岸其性惡鐵因是引東西兩治鐵器大則釜鬲小

則銀鉏數十萬斤沉於堰所猶不能合。〔齊諧記〕蛟龍畏棟葉。〔南部新書〕龍之性靈猛而畏蠟變竹及空青而嗜燒燕食燕肉人不可渡海。〔蟬史〕龍性畏五綵絲其涎能發衆香天火與人火相反得濕而焰遇火而燄以火逐之則焰滅矣。〔釋氏書〕龍有三患一熱風熱砂燒著皮肉骨髓二惡風暴起吹其宮殿失其寶飾衣服龍身自現三諸龍娛樂時金翅鳥王入宮搏撮始生龍子食之又有三苦一雖食百味未後一口化為蝦蟇二夫婦相交即變為二蛇三背道布鱗砂石生中痛乃連心。〔說原〕龍有三停九似之說謂自首至膊膊至腰腰至尾皆相停也角似鹿頭似駝眼似鬼項似蛇腹似蜃

鱗似魚爪似鷹掌似虎耳似牛  
乘異記劉洞微善畫  
龍一日有夫婦造門觀畫因謂曰龍有雌雄其狀不同  
雄者角浪四峭目浚鼻豁鬣尖鱗密上壯下殺朱火焜  
雌者角靡浪平目肆鼻直鬣圓鱗薄尾壯於腹劉不  
能平問之其人曰身乃龍也請公觀之遂化雙龍而去  
獻帝春秋龍欲騰翥先階尺木  
酉陽雜俎龍頭上  
有一物博山形名尺木龍無尺木則不能昇天  
論衡  
短書言龍無尺木無以升天謂龍從木中升天也蓋當  
雷電之時龍適與雷電俱在樹木之側雷電去龍從而  
上故謂從樹木之中升天也  
埤雅龍精于目蓋龍聾  
故精于目也  
陰陽自然變化論驪龍之眸見百里鐵

芥又龍能變水  
小史集雅龍不見石  
馮贊雲伯鑑  
天罰乖龍必割其耳  
造化權輿龍易骨  
埤雅龍入  
十。鱗具九九之數九陽也  
埤雅龍珠在額  
韓子  
夫龍之為蟲可狎而騎也然喉下有逆鱗徑尺若嬰之  
則殺人  
南史齊始興王鑑獻龍角一枝長九尺三寸  
色紅有文  
棊訣取蛻龍牙一枚臨局自然機變橫出  
杜陽雜編元載龍髯紫拂色如欄檻可長三尺削水  
精為柄刻紅玉為環鈕或風雨晦冥臨流沾濕則光以  
動搖奮然如怒置之於堂中夜則蚊蚋不敢入拂之為  
聲雞犬牛馬無不驚逸若垂之池潭則鱗合之屬悉俯  
伏而至引水於空中則成瀑布三五天未嘗輒斷燒鷲

肉燻之則焯焯焉若生雲霧  
〔五雜組〕唐開元中有鳳  
逐二龍至華陰孔墮地化清泉二道其一爲鳳爪傷流  
而泉色遂赤今其地有龍骨山云故老謂鳳喜食龍腦  
故龍畏之冷世所傳烏王啖龍圖蓋本此也夫鳳非竹  
實不食而亦嗜龍腦耶  
〔劇談錄〕李德裕嘗因暇日遊  
宴時畏景赫曦感有鬱蒸之苦既延入小齋列坐開樽  
煩暑都盡問之云以金盆貯水漬白龍皮置于坐末龍  
皮者新羅僧得自海中  
〔後山談叢〕晏英公伏日供帳  
濫宰飛各具夾衣客皆笑之既畢體寒生粟乃以漆斛  
漬龍皮也  
〔晉書〕陸機嘗餉張華鮮魚時賓客滿座華  
發器便曰此龍肉也試以苦酒濯之必有異既而五色

光起機還問鮮豈果云園中茅積下得一白魚質狀殊  
常以作鮮過美故以相獻  
〔述異記〕漢元和元年大雨  
有一青龍墮於宮中帝命烹之賜羣臣龍羹各一杯故  
李尤七命曰味兼龍羹  
〔拾遺記〕方丈之山一名鱗維  
東有龍場地方千里玉瑤爲井雲色皆紫有龍皮骨如  
山綺散百頃其蛻骨之時如生龍  
〔感應經〕按山阜焉  
岫能與雲雨者皆有龍骨或深或淺多在土中齒角尾  
足宛然皆具大者數十丈或盈十圍小者纔一二尺或  
三四寸體皆具焉嘗因採取見之  
〔述異記〕晉寧縣有  
龍葵洲父老云龍蛻骨於此洲其水今猶多龍骨  
〔國  
史補〕舊說春水時至魚發龍門則有化者至今汾晉山

穴龍蛻骨角甚衆採以爲藥有五色者 華陽國志蜀  
五城縣值天門龍升天未達遂死此地故掘取龍骨冬  
夏無已 宋草晉地川谷多有龍死而骨在或云是龍  
蛻非死骨 唐年補錄咸通末舒州刺史孔威進龍骨  
一具因有表錄其事狀云州之桐城縣善政鄉百姓胡  
舉家有青龍闕死於庭中時四月尚有鬮箔在庭忽雲  
雷暴起聞空中擊觸聲而如醜雨灑鬮箔上而不汗箭  
漸旋結聚可拾置掌上須臾令人冷痛入骨初龍拖尾  
及地繞一澗桶卽騰身入雲及雨悉是泔也能既死剖  
之喉中有大瘡凡長十餘丈身尾相半尾本褊薄鱗鬣  
皆魚准有鬚長二丈其足有赤膜翳之雙角各長一文

其腹和齟齬時遣大雲倉使督而送州以肉重不能全  
舉乃割之爲數十段載之赴官 卷諸紀聞橫海清池  
縣尉張澤居于渾州東城夜自庄舍還而月色昏暗殆  
不分道行遇道傍木枝熒然有光因折以燭路至家插  
壁間醉不復省也晨起怪而取視則枝間一龍蛻才大  
如新蟬之殼頭角爪尾皆具中空而堅扣之有聲如玉  
石且光瑩奪日遇暗則光燭於室遂寶之於家傳玩好  
事沈中老云綿聖間其從兄爲青州幕官因脩庭前葡  
萄架亦得一蛻形體皆如張者獨無光彩耳神龍變化  
固無巨細但不知有光無光又何謂也 五雜俎司徒  
馬恭敏治河日於淮濟間得一龍蛻長數十尺鱗爪鬚

角畢具其骨堅白如玉俗相傳云龍由蛟蜃化者壽不  
過三歲朝野僉載蜀縣令劉靜妻患病正諫大夫明  
崇儼論之曰須得生龍肝食之必愈靜以為不可得儼  
乃書符乘風放之上天須臾有龍下入瓮水中剔取肝  
食之而差賈子說林紫龍涎者舜使虞虎養一紫龍  
虎恒持燕炙示龍而不即與食龍俯而垂涎虎以器盛  
之滿一合然後與食以為常每日得涎一合繪寶者仙  
草也堯時生於廟堂之前四時有花取其寶磨入紫龍  
涎色正赤可以畫金玉其色透入金玉中一寸宮人佩  
玉盡畫鸞鳳須得良工一筆有誤終不可改拾遺記  
方丈山龍鬪之處膏血如水流膏色黑者著草木及諸

物如淳漆也膏色紫者著地凝堅可為寶器燕昭王二  
年海人乘霞舟以雕壺盛數斗膏以獻昭王王坐通霞  
臺以龍膏為燈光耀百里烟色丹紫國人望之咸言瑞  
光世人遙拜之燈以火澆布為纏物類相感志漢武  
帝獲梁上翁獻紫螺皮肉中有物如牛脂東方朔曰此  
蛟龍髓傳面令人好顏色又女子在孕用之易生會後  
宮難產者試之殊有神效帝以脂塗面使悅澤北夢  
瑣言龍生三卵一為吉卵也其吉卵上岸與鹿交或於  
水邊遺精流槎遇之黏裹木枝如蒲萄焉色微青黃復  
似灰色號紫梢花益陽道括地圖龍池之山四方高  
中央有池方七百里羣龍居之多五花樹羣龍食之去



會稽四千里支僧載外國事迦維羅越國今屬播黎  
越國猶有優婆塞姓釋可二十餘家是白靜王之苗裔  
昔太子生時有二龍王一吐冷水一吐暖水今有池尚  
一冷一暖西京雜記瓠子河決有蛟龍從九子白決  
中逆上入河噴沫流波數十里外國事毗河羅寺有  
神龍住米倉中奴取米龍輒却後奴若長取米龍不與  
倉中米若盡奴向龍拜倉即盈溢晉書魏明帝青龍  
元年正月甲申青龍見郊之摩陂井中凡瑞興井時則  
爲妖孽况困於井非嘉祥矣南史梁元帝承聖二年  
江陵城壕中有龍騰出煥爛五色踈躍入雲六七小龍  
相隨飛去羣魚騰躍墜死於陸道龍處爲窟若數百斛

圖 龍城錄 開元間景州水中見一龍三頭 錄異記

蜀庚午歲金州刺史王宗邛奏洵陽縣洵水畔有青烟  
廟數日廟上烟雲昏晦日夜奏樂忽一旦水波騰躍有  
羣龍出於水上行入漢江大者數丈小者丈餘如五方  
之色有如牛馬驢羊之形大小五十累累接迹行入漢  
江却過廟所復往數里或隱或見三日乃止 北夢瑣  
言大江之南蘆荻之間往往燒起睡龍唐天復中豐州  
葉源村民鄧氏子燒畚柴草積于天井山中火勢既盛  
龍突出騰在半空紫帶爲火所燎風力益壯狂焰彌熾  
擺之不落竟以仆地而斃長亘數百步村民徙居而避  
之朱梁未辰州民向氏因燒起一龍四面風雷急雨不

能撲滅尋爲煨燼而角不化瑩白如玉 李詩註唐玄宗嘗龍潛於興聖宮及卽位興慶池嘗有一小龍出遊宮外御溝水中其狀蜿蜒後一夕其龍自漚中御素雲望西南去及上至嘉陵江乘舟將渡見一小龍翼舟而進上謂左右曰此吾興慶池中龍也命以酒沃酌上親自視之龍乃自水中振鬣而去 戎幕閒談茅山龍池中其龍如蜥蜴而五色自昔嚴奉貞觀中抄取龍子以觀御製歌送歸黃冠之徒競託其神李德裕恐其惑世嘗捕而脯之龍亦竟不能神也 文獻通考宋真宗遣內侍任文慶於茅山設醮禱郭真人也收二龍長二寸許手中仰覆無懼中路風雨失一奉一歸以示返臣復

令文慶送還池中俄見二龍一乃送還者一乃所失者 伊川語錄龍只是獸茹山華陽洞常有之亦於乾地能山形狀殊可愛然不齧人五臺山者則傷人矣 遊名山記茹山有龍池池不甚廣小黑龍十數遊其中取視之長僅三寸昂首四足目精爛然腹有丹書而無牝牡蓋蜥蜴類也每歲早禱雨輒應今與山之神同著祀典 酉陽雜俎玄宗嘗詔術士羅公遠與不空同祈雨校功力俱詰問之不空曰臣昨焚白檀香龍上命左右掬庭水嗅之果有檀香氣 左傳帝舜世有畜龍氏及有夏孔甲帝賜之乘龍河漢各二各有雌雄劉累學擾龍於豢龍氏以事孔甲能飲食之夏后嘉之賜氏曰御

龍以豕韋之後龍一雌死臨以食夏后  
長安有豢龍戶觀水即知龍色目有無悉知之懿皇朝  
龍戶上言龍池中走失兩條往關東尋訪數十口東都  
魏王池中見之取而歸闕經華州時李訥為華州刺史  
為人正直聞得龍來大以為虛妄命就公府視之則於  
一小餅子中倒於盆內乃二細鯁魚也訥怒目曰何以  
為驗其人請鑿穴尺許注水其間收鯁投水內魚倒水  
中相趁旋轉尾觸穴四隅隨觸而陷水亦暴漲遂巡穴  
已闊數尺其人語訥云恐穴更廣即難測遂掘入餅中  
訥方奇之厚贈錢帛携歸輦下  
抱朴子西域方士能  
神祝者臨淵禹步吹氣龍即出浮其初出乃長十數丈

於是土更吹之一吹則龍輒一縮至長數寸方士採取  
著壺中或有四五龍以少水養之物塞壺口於是方士  
間有旱處便賣龍行賣之一龍值數千斤金舉國會斂  
以顧之直舉乃發壺出一龍著淵潭之中因復禹步吹  
之輒一吹一出長數十丈須臾雲雨四集  
清帝大象元年夏柴陽沐水北有龍跡初見白光直屬  
天自東方而來有白龍長十許丈西北向戲掌而鳴西  
北有黑龍亦乘雲而至風雷相擊乍合乍離暴雨大注  
自午至申白龍升天黑龍墜地  
五雜俎俗有立夏分  
龍之說蓋龍於是時始分界而行兩各有區域不能相  
踰故有咫尺之間而晴雨頓殊者龍為之也  
酉陽雜

九  
祖龍在閭浮提者五十七億龍於翟陘尼不降濁水  
河含經難陀跋難陀二龍其形最大繞須彌山七匝頭  
猶山頂尾在海中後魏書波知國有三池傳云大池  
有龍王次者龍婦小者龍子行人設祭乃得過不祭多  
遇風雪列仙傳馬師皇者黃帝馬醫有病龍下垂耳  
張口師皇針其唇飲以甘草湯而愈後一旦負之而去  
山川紀異湯陰西有真人社舊傳孫登寓此值旱衆  
禱於龍得雨將祭謝之登曰此病龍雨安能蘇禾稼弗  
信請嗅之水果腥穢龍時背生疰聞登言化老翁求治  
曰病痊當有報不數日果大雨石土忽裂一井其水湛  
然蓋龍穿此以報也書蕉龍優樂過逾於人薄福

龍龍日甚熱沙搏身爲諸小蟲之所咬食北夢瑣言  
世有垂龍苦於行雨而多竄匿爲雷神捕之或在古木  
及楹柱之內若曠野之間無處逃匿卽入牛角或牧童  
之身往往爲此物所累而震死也孔六帖夷陵山或  
浮大木蔽寒水面土人謂之龍巢龍  
內典龍有胎卵濕化四種抱朴子有自然之  
龍有蛇蠍化成之龍潛確類書別行云有四種龍一  
天龍守天宮殿持命不落者二神龍興雲致雨益人間  
者三地龍決江開瀆者四伏藏龍守輪王大福人藏者  
須彌藏經龍有五種象龍馬龍魚龍蝦蟇龍此四種  
旁類蛇龍五龍之長是正類淮南子羽嘉生飛龍毛

續生應龍介鱗生蛟龍介潭生先龍。廣雅有鱗曰蛟。有翼曰應龍。有角曰龍。巨處龍無角曰蛟龍。一云有角蚪龍無角螭龍。龍未昇天曰蟠龍。周祈名義考廣雅云云其言若辨而實非也。按說文龍从肉童省聲。豈象肉飛之形。何有於翼也。龍時飛則飛時潛則潛。蟠非定稱也。說文蛟龍屬無角曰蛟蚪龍子無角者。螭若龍無角而黃。北方謂之土螭。蛟則謂之蛟蚪。則謂之蚪螭。則謂之螭。不可言蛟龍。蚪龍螭龍也。亦猶謂騰爲騰蛇也。埤雅騰龍類將亦可謂騰龍哉。南越志蟠龍身長四丈青黑色赤帶如錦文。隨涓水而下入於海。有毒傷人即死。河圖黃金千歲生黃龍。青金千歲爲青龍。赤

白龍亦然。玄金千歲生玄龍。易乾鑿度帝王始興河洛龍見。皆察其首黑者人正。白者地正。赤者天正。王時龍經黑龍曰水精。赤龍亦曰水精。黃龍曰龍長。蛇龍亦曰龍長。瑞應圖黃龍者四龍之長。四方之正色神靈之精也。王者不流池而漁。則應和氣而遊於池。治龍魚河圖黃龍從洛水出。請虞舜。鱗甲成。字命左右。寫文竟龍夫。淮南子禹濟於江。黃龍負舟。古今注高祖五年黃龍見華陽池。十餘日。九年又見長安。五鳳四年黃龍出廣漢。甘露元年黃龍見新豐。二年龍見上郡。騰躍五色。昇天丞相以下。上壽章帝建初三年黃龍見汝南。項氏田廬中。長五丈餘。高二丈。光耀廬舍及樹。皆

黃龍高四尺置殿前  
魏略文帝欲受禪郡國奏黃龍十三見明帝鑄銅  
官之瑞也封禪書夏得木德青龍止於郊  
尚書中候  
周公旦即攝七年青龍銜甲  
舊唐書貞觀中汾州言  
青龍白龍見白龍吐物在空中有光如火至地陷入二  
尺掘之則立金也形圓斜廣尺餘高六七寸  
春秋合  
誠圖堯母慶都出觀三河奄然陰風赤龍與慶都台而  
生堯  
元命苞堯遊河渚赤龍負圖以出圖亦如繡  
淮南子女媧氏殺黑龍以濟冀州  
注黑龍水精也殺之  
以止雨  
三秦記昔有黑龍從南山出飲渭水其行道  
為龍首山  
晉載記呂光伐龜茲軍其城南營外夜有

一黑物大如斷堤搖動有頭角目光若電及明而雲霧  
四周遂不復見且視其處南北五里東西三十餘步鱗  
甲隱地之所昭然猶在光笑曰黑龍也俄而雲起西北  
暴雨滅其迹  
宋書徐羨之嘗經山中見黑龍長丈餘  
頭有角前兩足皆具無後足曳尾而行  
漢武內傳王  
母駕九色斑龍  
法苑珠林法顯至迦施國國有白耳  
龍每與眾僧約令國內豐熟皆有信効  
廣博物志蚺  
龍屬也明月之珠藏於蚌中蚺龍伏之  
拾遺記南  
海之國有洞穴陰源其下通地脉中有毛龍時蛻骨於  
曠澤之中魚龍同穴而處其國獻毛龍一雌一雄放置  
豢龍之宮至夏代養龍不絕因以命族至禹導川乘此

龍及四海攸同反放河內南史王僧辯傳初承聖二  
年三月有兩龍自城西江中騰躍升天五色分明遙映  
江水百姓咸仰面目之父老竊相謂曰地龍已去矣  
稽神錄楚王馬希範修長沙城開壕畢忽有一物長十  
丈餘無頭尾手足狀若土山自北岸出遊泳水上久之  
入南岸而沒出入俱無蹤跡或謂之上龍涪宮舊事  
江陵趙姥以沽酒爲業義熙中居室內忽地隆起姥察  
爲異朝夕以酒酌之嘗見一物出頭似驢而地初無孔  
穴及燒死家人聞上下有聲如哭後人掘地見一異物  
蠢然不測大小須臾失之俗謂之上龍拾遺記西或  
獻火龍高七尺映日看之光如聚炬火春渚紀聞蕭

注從狄殿前之破蠻洞也收其寶貨珍異得一龍長尺  
餘云是鹽龍蠻人所養也藉以銀盤中置玉盃以玉筯  
挑海鹽飲之每鱗甲中出鹽如雪則收取用酒送一錢  
此專主興陽而前此無說者何也後因蔡元度就其體  
舐鹽而龍死其家以鹽封其遺體三數日用亦大有力  
後聞此龍歸蔡元長家云北夢瑣言洛中有洞穴曾  
有誤墮其中行數里漸明見有宮殿人物凡九處又有  
大羊羊鬣有珠久取食之後出以問張華華曰此地九  
仙館也大羊名曰癡龍懷麓堂集龍生九子不成各  
有所好四牛龍種平生好音樂今胡琴頭上刻獸是其  
遺像睚眦平生好殺今刀柄上龍吞口是其遺像嘯風

平生好險今殿角走獸是其遺像蒲牢平生好鳴今鐘  
上獸紐是其遺像後狔平生好坐今佛座獅子是其遺  
像霸下平生好負重今碑座獸足是其遺像狻猊平生  
好訟今獄門上獅子頭是其遺像負嶺平生好文今碑  
兩旁文是其遺像蚩吻平生好吞今殿脊獸頭是其遺  
像菽園雜記螭形似龜性好負重故用載碑螭吻  
形似獸性好望故立屋角上蒲牢形似龍而小性好吼  
有神力故懸鐘上憲章形似獸有威性好囚故立於  
獄門上饕餮性好水故立於橋所饕餮形似獸鬼頭性  
好腥故用於刀柄上螭形似龍性好風雨故用於殿  
脊上螭虎形似龍性好文彩故立於碑首金独形似獅

舊好火烟故立於爐蓋上椒圖形似螺蚶好閉口故立  
於門上今呼鼓了非也蚺蛟形似龍而小好立險故立  
於護朽上鰲魚形似龍好吞火故立於屋脊上獸吻形  
似獅好食陰邪故立於門環上金吾形似美人首魚尾  
有兩翼性好通靈不睡故用巡警按龍生九子諸書所載  
狻猊立於獄門螭前李說同與此云憲章異又饕餮好飲  
食故立於鼎蓋蚩吻好水故立於橋上與此全異陳  
懋仁庶物異名疏又云蚩吻好負重今碑下獸是即李  
說之螭下音同字異耳螭好負重今碑下獸是即李  
說之螭下音同字異耳  
**化龍** 華陽國志永昌郡古哀牢國其先有一婦人名  
白沙壺後漢作依哀牢山下居捕魚自給忽於水中觸  
一沉木遂感而有娠度十月產子男十人後沉木化爲



龍出謂沙壺曰君爲我生子今在乎九子驚走惟一小  
子不能去陪龍坐龍就而舐之〔南史〕梁武帝踐阼郗  
后酷如忌及終化爲龍入於後宮通夢於帝或見形光  
彩照灼帝體將不安龍輒激水騰涌〔霏雪錄〕山東民  
間婦人一簪有物隱然膚中屈佞如蛟龍狀婦喜以簪  
浸盆水中一日雷電交作婦自牖出臂果一龍擘雲而  
去〔翼苑〕陶侃嘗漁雷澤得一織梭還掛於壁有頃雷  
雨梭變成赤龍從屋騰躍而去〔神仙傳〕壺公遣費長  
房歸以一竹杖與之曰騎此當還家以投葛陂中長房  
騎杖忽然如眠便到家以杖投葛陂顧之乃青龍也  
〔策異記〕元和中都尉韋宥舟行見新絲箏絃周纏蘆心

宥卽拔蘆伸絃其長倍尋則試縱之應手復結宥以付  
箏妓將安之惟短二三寸耳食頃則已蜿蜒舒展選端  
搖動雙眸瞭然矣駭而投於江風浪交作俄有白龍長  
百丈擎攫昇天〔酉陽雜俎〕有史生遊華山時暑環憩  
小溪忽有一葉大如掌紅殷可愛隨流而下史獨接  
得真懷中坐食頃覺懷中冷重潛起觀之其葉上鱗起  
粟粟而動始驚懼奔林中遽白衆人曰此必龍也可速  
去須臾林中白烟生彌布一谷史下山未半風雷大至  
〔僞史〕南唐時有蒼頭持龍水圖求貨或得之將練以  
爲服忽釜中雲起蒸見二龍騰躍穿壁而去〔明皇雜  
錄〕開元中大旱上於新池剝一殿名馮紹正四壁各畫

一龍西壁一素龍蜿蜒若奮風雲隨筆而生壁上鱗甲皆熟有白氣白簷廡出池中波濤洶湧俄有白龍乘雲而起風雨大作國語褒國之神化為二龍夏后藏萊呂氏春秋白龍化為魚豫且射中左目宋書晉愍帝建興二年十一月抱罕羌妓產一龍子色似錦文嘗就母乳遙見神光少得就視趙耕龍公碑張路斯穎上人隋初明經登第景龍中為宣城令夫人關州石氏生九子自宣城罷歸常釣於焦氏臺之陰一日顧見釣處有宮室樓殿遂入居之自是夜出旦歸歸輒體寒而濕夫人驚問之公曰我龍也夢人鄭祥遠者亦龍也騎白牛據吾池自謂鄭公池吾屢與戰未勝明日取決可

使九子以我領有綺繡者我也青繡者鄭也明日九子以弓矢射青繡者中之怒而去公亦逐之所過為谿谷達於淮而青繡者投於合淝之西山以死為龍穴山九子皆化為龍公之兄為馬步使者子孫散居穎山其基皆存焉柳子厚謫龍說扶風馬孺子在澤州與羣兒戲郊亭上有奇女墮地有光熒然被緞裘白文之裹首步搖之冠遂入居佛寺講室七日取杯水飲之虛成雲氣五色脩脩如也因取裘反之化為白龍徊翔登天龍城錄茅山有道士吳緯采藥於華陽洞口見一兒手把三珠戲松下縛從之兒奔入洞化為龍以珠填左耳縛劇其耳失珠列仙傳呼子先者漢中卜師也壽百

餘年臨去呼酒家老嫗口急裝當與汝俱夜有仙人持  
二茅狗來呼子先持一與嫗乃龍也騎之上華陰  
山後嘗於山上大呼言子先酒母在此耳〔三秦記〕河  
津一名龍門巨靈跡猶存水懸下注旁有山水陸不通  
龜魚之屬莫能上江海大魚集門下數千不得止上者  
爲龍不上者魚故云曝腮龍門〔林登博物志〕鯉魚登  
龍門卽有風雨隨之天火自後燒其尾乃化爲龍矣

蛟附乳 蛟

埤雅蛟龍屬也其狀似蛇而四足〔山海經〕畢山帝苑  
之水出焉其中多蛟〔注〕蛟似龍蛇而小頭細頸頸有白  
嬰大者十數圍卵生子如三斛瓮能吞人〔說文〕龍無

角口蛟池魚滿三千六百蛟來爲之長能率魚而飛置  
芻水中卽蛟夫〔述異記〕虺五百年化爲蛟蛟千年化  
爲龍〔埤雅〕蛟能交首尾來物故謂之蛟也俗呼馬  
蛟尾有肉環束物則以首貫之舊云鳳骨黑蛟骨青  
說文眉交故謂之蛟〔陸禪續水經注〕蛇雉遺卵人地  
千年爲蛟〔酉陽雜俎〕虎魚老則爲蛟〔玉堂清語〕蛇  
雉遺卵爲蛟其蛇出殼之日害於一方洪水飄蕩吳人  
謂之發洪〔拾遺記〕帝以季秋之月泛薜蘭雲縵之舟  
釣於桂臺下以香金爲釣繡絲爲綸丹鯉爲餌釣得白  
蛟長三丈若大地無鱗甲帝曰非祥也命大官爲鮮肉  
紫母青味甚香美〔一統志〕大江中有蛟磯南有一石

穴廣一丈深叵測蓋蟻居也蟻即老蛟也此磯在今蕪湖江口有廟俗訛爲喬姬廟山海經禱過之山浪水出焉而南流注於海其中有虎蛟其狀魚身而蛇尾其音如鴛鴦食者不腫可以已痔潛確類書元嚴子忠汀州人遣僕人山掘筍雷電大作樹下一窟有物如犬而長其聲如雷僕揮鋤擊之而斃人謂之山蛟再積五百年則爲龍矣續搜神記長沙江邊有女下渚澣衣覺身中有異遂妊身生三物皆如鰕魚女以已所生其隣之著澡盤水中養經三月遂大乃是蛟子各有字大者爲當洪次者名破阻小者曰撲岸天暴雨三蛟一時俱去朝野僉載洛水中有人見豎子洗馬頃之見一

物如白練帶極光晶繳豎子之項三兩匝卽落水死凡  
是水中及灣汜之間皆有之人澡浴洗馬死者皆謂龍  
所引非也此名白特宜慎防之蛟之類也三吳記吳  
時有王迷者採藥於天台山忽見溪中有一小青衣長  
尺餘徑入雲中良久海上雲起頃刻雷電交鳴見率一  
物如布而色如漆乃黑蛟耳而堂肆考黃牛洲在南  
昌府城西南相傳許遜逐蛟精蛟化爲黃牛於此因名  
北夢瑣言岑參賦云瞿唐之東下有千歲老蛟化爲  
婦人形服靚粧游於水濱

說文虬龍子有角者搜神記武昌虬山有龍穴  
居人每見神虬飛翔出入歲旱禱之卽雨後入築塘其


下日虬螭淮南子黑蜺神蚪潛泉而居將雨則躍  
元氏掖庭記大德間尾灑夷於清源洞得一物如龍皮  
薄可相照鱗鱗攢簇玉色可愛以開成花卉之形或紅  
或綠暑月對之涼風自生遣人進貢時無識者有一胡  
僧曰此斑花玉蛇殼也  
南詔錄螭魚四足長尾鱗成五色頭似龍無角  
說文螭若龍無角而黃北方謂之土螻拾遺記崑崙  
山第三層有螭潭百里多龍螭皆白色千歲一蛻其五  
臟洞冥記元封中帝好微行於長安城西夜見一螭  
遊於路董謁曰昔樂媚未喜於膝上以金簪貫玉螭腹  
為戲今螭腹餘金簪穿痕安非此耶呂氏春秋螭食

乎清而遊乎濁

格致鏡原卷九十終

水族類 螭

十九



物理學卷之十

